


# *KULUKUKWA KWA*

## *UNITED STATES*

 ... kyaswa muchima wa Nkambo pa bintu bimo bimweka mu bimye bimo. Atweba twaile ku Denver, katatakatu, ne kubwela. Amiwa naketekela mba Mbena kukeba kupana sawakya, pa mbung'eno: Yajinga imo yawama bingi yo Najinga nayo pa myaka yavula. Atweba twajinga na kimye kyawama bingi. Pepi nobe tuu sauzande bapaine michima yabo kwi Kilishitu, kufumyako booba batambwile lubatizhilo lwa Mupashi Wazhila, kufumyako abya biyukilo ne byakukumya abyo mutemwe wetu Nkambo Yesu byoabile mukachi ka bantu mu Denver. Atweba twajinga na byakuyuzwa byakukumya, ne kwiya pamo kukatampe kwa bantu. Atweba twatatwile na bafika nobe faivi sauzande, kyakutatwilapo. Kabiji atweba twajinga na Mammoth Gardens. Kabiji pa bufuku bwa busatu, kechi kwajingapo kibamba pa kwimana bantu ne muyoya punzha. Najinga na kimye kyawama bingi, kya mafuku faivi.

<sup>2</sup> Twafumineko akwa, ne kuya ku Canada, songwalume ne Amiwa. Kabiji atweba twaile mu mitumba, kabiji ne kubwela ku snowstom. Naketekela mba mwikyumvwapo, pa waileshi wenu. Kabiji bamo aduledi eite-eiti bantu baonawinwemo. Kabiji atweba twakwachiwe mumitumba ya sino pa—pa—pa moba avula, akwa konka ku mitumba. Kabiji mbung'eno yetu yapichile, kabiji twajinga, kubwela ku muzhi pano, kasa tukyangye kufumamo ne. Nanchi atweba twaketekela mba byonse abya kampe byajinga kusaka kwaakwa Lesa, amba ikale ke—ke mbungeno yawama, kabiji ne kintu kikwabotu. Aye wajinga na kintu kimo kyatachikwa pe atweba kyo twabujile kuyuka.

<sup>3</sup> Tubena kwenda nobe mu ntanda ya fishi, bino kechi mu fishi ne. Atweba tulondelatu, byonka biya Kyeya, nanchi atweba tulondela Kyeya.

<sup>4</sup> Kabiji Taata wetu wa Mwiulu kampe wajinga na kintu kimo kyo kechi twayukapo nangwa kimo ne. kyakonshela kwikala kya bulemo kutanwa kokwa. Nangwa, jikwabotu, Aye wakonshela kwingijila pa muntu mukwabo akaleta. Mwamona, Lesa wakonsha kwingijila pa muntu umo uji byobya; Aye upimpula kyaalo kyonse kuyewa muntu umo, pakuuba mba ebatwezhemo. Kabiji nanchi twayuka mba byonse byajinga bya ku lukumo lwa kwa Lesa. Kabiji twamusachila Aye pa kikyee, kabiji pa kwi tukikizha. Kabiji kwajinga bavula, atweba . . .

<sup>5</sup> Billy ne Amiwa twibakwashishe kwibatola abo,

kumukwakwa ne bintu bikwabotu nobe byobya, bya bantu bachakakenye ne bintu byonse. Bino atweba twapichilemo kwakubula lukatazho ne. Atweba twafuminemo mumukwakwa jimotu, bino akya kyajingatu pa kakimye kacheche. Kabiji muntu umo kokwa, mubujimi bya baya mwakujishilamo banyama waishile ne kwitudonsa popa kwingijisha talakita. Kutezhimatu; kwajinga kwatezhima bingi.

<sup>6</sup> Kabiji kyajinga kintu kimo kyobabujile kwikala nakyo pa . . . kyobabujile, aba bantu-bamukimye kyakala kyobabujile kuvuluka kwikala na kipuupu kya byonkabya, mu kyokya kyaalo, pa kyokya kimye kya mwaka, Kuzhokoloka, Montana. Kabiji twajinga . . . Twayuka mba kintu kitutulu kiji kyonse kyaimikwa byonkabyo, Nkambo yetu wajinga na kuboko Kwanji momwa kuntu kumo. Kyajinga kya na kilumbululo kimo, mambo—mambo a buwame bwetu. Namambo a buwame bwetu, abyo byo kyajinga.

<sup>7</sup> Kabiji nanchi Naichile Mulongo Neville, panyuma ya Kubwela jibiji, kabiji Naambile mba, “Amiwa nkekala ku nzubo pa Mulungu. Kabiji—kabiji inge mwakonsha kutemwa amiwa, kwiya na kwikala na sukuulu wa Pamulungu, kika, kijitu bulongo.” Kabiji Naambile mba, “Nanchi Amiwa nkoba . . . kabiji Amiwa kekala bingi na lusekelo pakuuba mba kafike.”

<sup>8</sup> Aye waambile mba, “Kika, kine, Mulongo Bill.” Waambile mba, “Atweba kimye kyonse tuji bingi na lusekelo pa kwiya kwenu kuno,” na muchima mukatampe washikuka kabiji watambulwilwa, byobya. Kabiji pano wikibika pa mutanchi wanji wa wailishi, keesha japita. Nanchi twasanta pa bibye bintu byonse.

<sup>9</sup> Kabiji lukeelo luno, pano, byo tuji mu Juba jaba Inetu. Bamo bantu, mukovwa byakusapwila pa Juba- ja Ba Inetu konse, kabiji bantu kwamba ne ba inetu, akyo nalanguluka Amba kyawama. Kishai kyo mubya lusapwilo lonse.

<sup>10</sup> Lukeelo luno Nakubijika, mba, na—na muntwe wa *Kulukukwa Kwa United States*, abyo Amiwa byonakeba kwambapo. Abyo, anweba byomwauvwine ku muntanchi wafyatwilwe ku wailishi, kabiji anweba mukebyuvwa byavula byaleelo. Kabiji kukekala busapwishi bwa Juba jaba Inetu, kampepo, bufuku buno mu mpwijilo. Kabiji nanchi Nalangulukile mba, lukeelo luno, Nakonsha kubijika, “akwa—akwa kulukukwa.”

<sup>11</sup> Naambile pa kino ku Denver, kuno, kechi monka amwa nekisendelejilemo ne mukwikipana lukeelo luno, inge Lesa waswa. Kabiji, kyajinga, na kimye kyawama bingi nakyo. Aye Nkambo wapesheshetu mu jishinda jawama. Kimye kimo witupa . . .

12 Anweba mwafwainwatu kukumya pachechetu, mu kutuluka akya byokiji, nanchi kechi ibyo nenyi, bimye bimo? Kabiji twalomba mba Lesa ukeyyuba.

13 Kabiji, mokyailatu, akwa konka, uvwe twapitamo monka . . . Aba Basulu Banabalume ba ku Denver ibo batundaikile aya mbungeno, kabiji bajinga na byabukwasho bwapusanako abya Amiwa byo kyange kwikala nabyo kala ne.

14 Kabiji javula, bamwingilo, uvwe batundaika pwijilo, mwafwainwa kwamba mba. . . “Bushe anweba mwajikwikibijika nyi?” “Yepu, ku kipwilo.” Akyo kijitu byonkabya. Ao ke kafunga; abo babena kukeba jintanga jabo kwikiyuka. Akyo ke kyambo kyawama bingi. Ao ke mwingilo wabo.

15 Bino abo Basulu Banabalume bajinga bapusanako pacheche. Bakebele amba ntanda ikiyuke akya, nanchi bapainetu kampe fiili nangwa foolo sausade a madola afikijilemo kusampwisha mwaila byakulamika pa myotoka ya mupunzha yonse, tumamyotoka twatucheche, yonse myotoka ya icheche, kabiji ne konse konse. Twajinga na kimye kyawama bingi.

16 Panyuma ya kupwisha kupwila, bangichile kulubaji lumo, waambile mba, “Mulongo Branham, kika kyo twakonsha ku kuubila obewa pano? Kika kyo tuji nakongole ne obewa?”

17 Naambile mba, “Kika, nangwa byonkabyo, kafwako.” Naambile mba, “Obewa kechi ujipo na kongole yami ne.” Naambile mba, “Obewa, wapaine malipilo ami a kuotela, akwa konka, inge mwakonsha.”

18 “Oo, tubena kukeba kubapo kintu kimo kwi anweba.” Kabiji abo kechi bakonshela ne. . . Amiwa kechi nakonshela kusenda kintu kwi abo ne.

19 Nanchi awa mukulumpe wibechile. Aye waambile mba, “Naketekela mba watemwa kuya na kwipayama masabi, kechi ibyo nenyi?”

Aye waambile mba, “Ee.”

20 Kabiji umo wamubooba basulu banabalume wajinga na bujimi bwabaya kokwa, wambile amba, “Sakwibupana nobe kyabupe kwi aye.”

21 Kyawama, Mr. Moore waile na kubumona. Aye wabwelele pepi nobe sate-faivi mailoshi, pa mbili. Naambile mba. . . Mr. Moore waambile mba, “Nakonsha kutemwa kumona Nyenga Branham kwikala pa mbili, kubwela kunyuma ku kyokyo.” Nanchi aye, abo, kabiji. . .

22 Bino, panyuma ya kyokya, nangwa byonkabyo, baile kokwa kunzubo yakumajimi akwa ku Siliva Plume, Colorado. Akye kyafwainwa kwikala kululwe lubaji pa kino kimye. Kabiji abo bapotele bujimi byakujishishamo banyama buchechetu kokwa, kabiji ne kubika nzubo ya bibamba-faivi yami kokwa. . . akwa

ku Siliva Plume, Colorado, ako kwaikela monka mumuchima ya mitumba. Nanchi anweba banabalume bakwipaya masabi, Amiwa naketekela mba ke kimye kyawama, nanchi kikekela kifulo kyawama pakukokolokela, kabiji umvwe pa kupwisha mpwijiilo ne bintu bikwabo, inge Lesa waswa. Akyo kijitu kwi Aye, mwamona.

<sup>23</sup> Nasaka kuleta milanguluko yetu ku Kyambo. Kabiji Amiwa natemwatu Kyambo, Kyambo kyumi kya Lesa. Kiji, mukachi ka Kyambo bo Bumi. Pano, “Akye Kyambo, kinembelo, kiipaya, pakuuba Mupashi upana Bumi.” Kabiji Bumi buji mu Kyambo, mambo ke Kyambo kya Lesa. Bumi buji mu Kyambo Kyanji.

Nobe inge Nemubula, “Nakupa . . .”

<sup>24</sup> Mwaamba mba, “Amiwa njina nzala, lukeelo luno, Mulongo Branham. Mwakonsha kuumpa madola faivi nyi?”

<sup>25</sup> Nakonsha kwamba mba, “Amiwa nkoba.” Pano, muji bumi bwavula bingi mukachi byonka biji mu mulaye wami.

<sup>26</sup> Ajo jo jishinda jimo byokikala mwi Lesa. Umvwe Lesa walaya kiji kyonse, nanchi ne Lesa byo anji, Wanji . . . Aye wafwainwa kwikala mu Kyambo Kyanji. Mwamona? Akye Kyambo kyafwainwa . . . Akye Kyambo kijitu pamo nobe Lesa. Kiji Lesa.

<sup>27</sup> Anweba kyambo kyenu byobyomuji. Kyokyo mwakaswako anweba; atweba twapijilwa kwitata byobyoyo. Kyomwakaswako kyo kyambo kyenu. Inge atweba twabula kusenda kyambo kyenu, nanchi Amiwa kechi nakonsha kwikala na luketekelo ne. Bino inge Nakonsha kutola kyambo kyenu pa kintu kiji kyonse, nanchi ke muntu wabuneme.

<sup>28</sup> Kabiji Baibolo waamba mba, “Muntendekelo mwajinga Kyambo, ne kyokya Kyambo kyajinga na Lesa, kabiji akya Kyambo kyajinga Lesa.” Mwamona? Mwamona? “Kabiji akya Kyambo kya alwilwe ke muntu, ne kwikala waikelenga muno mwetu.”

<sup>29</sup> Inge atweba twakonsha kulanguluka, kino, ntanda yo tubena kwikalamo, lukeelo luno, ke Kyambo kya Lesa. Akya kichi ke Kyambo kya Lesa. Kabiji anweba, mubiji wenu, ke Kyambo kya Lesa. Lesa wi byambile mba bikaleko byobya, wibilengele kwakubula kiji kyonse ne; akyo kechi kyajingapo na kintu nangwa kimo ne.

<sup>30</sup> Bushe anweba mwakimonapo bumi bwa muntu, ako kobufuma nyi? Kamotu kajishi kabumi, nanchi ke kintu kyakepa bingi kyakubamba meeso kechi akonsha kwikimona ne; kana monka mukikantampe, mungalashi wa bulume. Kabiji konkakwa kwaishile muntu wa ma paundi tuu-aduleedi-ne-aduleendi-fifite. Bushe akya kyafumene kwepi? Mwamona? Lesa wikyaambiletu, kabiji kyatatwile kwikajikwa, kupichila mubilengwa na lesa, nakukoma, kabiji akwa kikaleta musangu

wakintu monka mokyaila. Aye waambile ku kichi kyonse, bintu byonse, mba bikaleko. Kabiji ke kintu kyawama bingi, kintu kyawama bingi, lukeelo luno, pa kumweshwa Kyambo kya Lesa.

<sup>31</sup> Pano, lukeelo luno, mu Lulayang'ano Lwakala, kuzhikula ku Byambo byamoba. Amiwa najingako wazhingila pacheche. . . Apo anwaba mubena kuzhikula mu Byambo byamoba, pa kyapitala kyabu 18. Ke kukoka pacheche. Bino inge Nkambo waswa. . .

<sup>32</sup> Amiwa kechi nayukisha ne; tukayuka byavula pa Kisatu bufuku. Inge Nkambo waswa, kabiji ne kipwilo kyauvwa lutundaiko mu joja jishinda, Nakonsha kutemwa kwikala Pakisatu, Pakina, Pakitanu, Pakibelushi, ne Pamulungu, nobe kusangululwa papo, ke lufunjishotu lwa kusangululwa kwa kufuma mu Kyambo. [Kipwilo kyaamba mba, "Amena."—Waku.] Pakisatu, Pakina, Pakitanu, Pakibelushi, ne Pamulungu, kufunjishatu pa Kyambo; kechi pwijilo ya lubuko ne, kana lufunjisho. Kampepo Nkambo usa kwitutangijila atweba kuya joja jishinda. Kabiji pano atweba. . . Amiwa natemwa kwikala ne anweba kabiji ne kwikala na lumvwang'ano lwa bupopweshi lwa mu Kyambo, ne anweba. Nasanta, bingi mwane, pa kyokya kyawama, kyawaina "amena."

<sup>33</sup> Pano, mu kyapitala kyabu 18 kya Byambo byamoba, ne kutatwila pa veeleshi wabu 12, twasaka kwikajikapo milanguluko yetu, mu kakimye kachechetu paiwe mutwe wa mujuba jaleelo. Muntashi Byambo bya-. . . , nangwa, Wabubiji Byambo byamoba, Amiwa nalomba lulekelo lwamambo, Byambo byamoba Wabubiji 18:12, kabiji tusakutanga kibese kyakyo papo, kabiji monai abye byo Nkambo yetu wasaka amba tuyuke.

*Kabiji muluwe waile na kwita Mikaya wakamwambijile mba, ne kwaamba mba, Talai, byambo bya bangauzhi byaambile byawama kwi mfumu ne umo walushijilo; lekai byambo byenu onkao mambo, Nalomba anweba, ikalai nobe umo wamuboba, kabiji ne kwamba byawama.*

*Kabiji Mikaya waambile mba, Monka mwaikajila Nkambo na bumi, byonka byaamba Lesa wami, amba ne Amiwa nsakwamba.*

*Kabiji byo aishile ku mfumu, mfumu wamwambijile mba, Mikaya, twayai atweba tuyenga akwa ku Ramoth-gilead ku kondo, nangwa twayai atweba twikale kulubaji? Kabiji aye waambile mba, Yanga obewa kokwa, kabiji wikale na bubile, kabiji abo bakapokolohwa na kuboko kobe.*

<sup>34</sup> Pano, pa kwikajika milanguluko yetu pa bimye bicheche; kyambo kimotu kwi Aye jibiji, pa kikye.

<sup>35</sup> Taata Wetu wa Mwiulu, na michima ya lusekelo twaiya kwi Anweba ponka pano, mu kwimenako myeo yataika, mu kwimenako bakajilwa, mu kwimenako kipwilo. Amba, lekai Mupashi Wazhila atwele mu Kyambo bukiji bukiji pano, twalomba. Kibikai Akino monka mu muchima ya uji yense muno awa uji na kukabila. Kabiji umvwe Aye wapana Mbila Yanji ya bulume bwa Kyambo mu muchima, lekai atweba bonse twikale na bubile mwi Akyo, lukeelo luno; kasa abena kuya, nakusha tambanako, na lusekelo ne kutakaika Lesa, amba, “Michima yetu ibena kutema monka mukachi ketu, mambo a Kyeenyi Kyanji.” Abye atweba twikipuzha mu Jizhina Janji. Amena.

<sup>36</sup> Atweba potwaimena, lukeelo luno, ke pa kyabulemo. Kabiji Lulayang’ano Lwakala, kwi amiwa, kimye kyonse ke kivule nangwa—nangwa ke kwimena pa Lulayang’ano Lupya. Bimye byavula, muntu umo waamba mba, “Mulongo Branham, kika obewa kimye kyonse usenda Lulayang’ano Lwakala? Pepitu nobe kimye kyonse, kusenda kibaba, ubwela ku Lulayang’ano Lwakala.” Nekyuba mambo Natemwa bya bipashanganyo. Natemwa . . .

<sup>37</sup> Kufunda kwami kechi kujitu bulongo ne, nobe bonse byo mwayuka. Kabiji momonkatu mujishinda Amiwa mogyukila mba nji pantu pamo pepitu pawama, ke kumona nga’nyi kipasha kyajinga, ke kumona mwaila ndonda ne kutajisha akya byokyajinga. Kabiji nanchi Nayuka *akya* kyajinga kintu kipashako na byokiji *akye* kuno, mambo ke kimvuletu kyakyo. Kabiji kimye kyonse Amiwa ntala ku Lulayang’ano Lwakala nakumona baana ba Isalela byo baubile, monai kumanyikwa kwa bubu byo kwajinga, monai buchibishi bwamambo bwaoloka bwa bangauzhi byo bwajinga, monai byonse bye bintu byo byajinga; kabiji nanchi Amiwa nsakwikala na mulanguluko wa *kikye* kuno, akyo kyaikele kimvule kya bikekalako mukubugizha kwa-byonse kumpelo.

<sup>38</sup> Mukikye kimye, kwajinga kintu kikatampe bingi kyaubiwe ku Isalela. Kyajinga mu mfishi ya pakachi kabufuku.

<sup>39</sup> Mu Lulayang’ano Lwakala, inge Nkambo waswa, kampepo mu mpwijilo ibena kwiya, Amiwa nakonsha kutemwa kumweshwa aa Mankulo a Bipwilo Sebeni byoaimenako mu Lulayang’ano lwa Kala. Byo batatwiletu byonka byo kyajinga mu—mu ntendekelo ya Mankulo a Bipwilo bya Bangetila, kabiji waile musangotu umo wa nkulo ya mfishi monkamwa, kabiji bakwabo bafuminemo mu kimye kyabyakukumya bya Pentekosito, ponka pa kimye kya kupona kwa Mupashi Wazhila mu kipwilo kitanshi kya . . . mu kimye kya nkulo ya Bayudeya. Nanchi kupita mu kimye kikwabo kya kipwilo kya Bangetila, kupita mu nkulo ya mfishi, kabiji ne kubwela mu Myaka kiumbi kimo, kumpelo.

<sup>40</sup> Pano, akyo byo kiji pakachi ka mulaini, awe mfumu

mukatampe Ahaba waishile na bulume. Kabiji aye wajinga monka mu byubilo byashile aba bakwabo ba mfumu babena Isalela, akyo kyajinga na . . . Ahaba, aye mwine, wajinga na—na pakupelela waitabila. Amiwa bimye bimo namutazha aye mu jonkaja jishinda, mambo aye wajinga ku lubaji lwa kino kimye lwa *kikye* kulubaji lwa kibamba, lubaji lwa *kino* kimye pa kino kulubaji lwa kibamba.

<sup>41</sup> Anweba kechi mwakonsha kuyuka po mwafwainwa kwimana ne, muntu wabula kushikama nobe byobya. Nangwa, awa muntu witela mba aye mwina Kilishitu, kabiji kechi washikamana, kechi anweba mwayuka byakuba kuyewa muntu ne. Leelo abo ke bena Kilishitu; keesha jikeya anweba kechi mwayuka ne pobaji ne. Mu kipwilo leelo jino, baji na lusekelo ne kwimba ne kutakaika Lesa; kabiji keesha jikeya, ke kutoma, kasa betota, ne kunyema lubilo. Nanchi awa musango wa muntu washupa kwingila kiji kyonse ne.

<sup>42</sup> Amiwa navuluka, nobe mwanyike, potwajinga na—na mbili mukulumpe, aye watemenwe kimye kyonse kutolokela pa kibamba. Kabiji Amiwa nalanguluka anweba banabalume, pa kipimo kyami, mwakonsha kuyuka moba akala akunyuma na yewa mbili, moba akala. Amiwa ngiya bimye byavula bingi, monka mu uno mukwakwa, na kwendesha mbili ne waya, amiwa mwine. Amiwa nji foote-faivi. Nanchi, abo . . . Navuluka, awe mbili mukote, atweba twabikile kikokoji mushingo yanji, nobe byonka byo mwafwainwa kuuba ng'ombe, mukumulama aye kufuma kukutoloka ku kibamba. Kabiji aye wakonsheshe kukiluka, pajiponsetu. Kabiji aye wakonsha kumuleka awa kikonkoji ne kwaluluka aye kuzhokoloka, kabiji nanchi ne bikwabotu. Aye wakonsha kuya kupitaila kibamba. Kabiji juba jimo, kika aye . . .

<sup>43</sup> Amiwa nakuminye kika kyamulengejilenga awa mulunda mukote. Kabiji akwa kwajinga kimbo kyazhika bingi kokwa. Pano, aye wajinga waimana mu alfalfa, oo, kyalepa, bino aye wakebelenga . . . Akwa kwajingapo munyevu umo monka mukimbo kyakizhika. Kabiji aye watolokele awa kibamba ne kuya monka mukimbo mwazhika amwa mwajinga byonse byamawaya ne nsono, akwa atweba twajinga . . . mu mwa—mwa kutaya, kabiji ne kusenda amwa monka abya bicheche bya kuja biji mumunyevu wansono. Kabiji atweba twaletelenga bakwabo bavula bambile ne aye kumufumyamo amwa mukimbo kyazhika. Kimye aye kyakutwela momwa, aye ke kumukasa. Kabiji byo aimene popa, wazakaminenga kabiji mashi kasa abena kufuma, kabiji—kabiji byo ajinga, mukusendatu abya byakuja, nangwa bibiji, byabyobya yamunyevu wa nsono, kimye aye kyoaimenenga mu alfalfa, pepi namanungo anji.

<sup>44</sup> Amiwa kimye kyonse ndanguluka pa kyokya kipikichala. “Jishinda ja muntu wazhilulula jakosa.” Aye kechi wakonshatu kwikala ne poso aye kakebe awa koajinga nakuja ne kwikala

na kimye kyawama, bino ke. . . aye wajinga wakutoloka akya kibamba ne kuya ne kuchibaula byonsetu nobe byobya, mu kukebatu kusenda bya kuja bya—bya nsono byayewa byapusanako muyewa musango. Pano, akyo kijitu pamo nobe bantu byo boba, abo batolokela pakibamba kya munyevu wakwa Lesa. Bushe anweba mwikitabila akyo nyi? Ke kulupukamo, waya pangye leelo jino; watwela monka. Ke monka mukipwilo, kwikala na kimye kyawama; nanchi, keesha jikeya, nekupotesha bintu nobe byonkabya. Kilenga kyakosa bingi.

<sup>45</sup> Ahaba wajinga na byavula nangwa kicheche kya mukipasha kya yewa muntu. Muji monse mujishinda mwela moakonsha kupupila, Ahaba wajinga winengezhe pa lwendo lwakwingijisha bwato, inge kyajinga na *lulwe* lubaji nangwa na *lolwa* lubaji. Aye masongola anji ajinga alubankana, na mwana wamukazhi ao wajinga mwana mfumu mucheche, ke mwana mfumu wamukazhi ke, Yezebele. Walamba bingi pa kumumona, mwanamukazhi walamba bingi, bino mu muchima wanji wajinga watama bingi. Kabiji aye wajinga wakupopwela tulubi, kabiji walengejile Isalela yense. . .

<sup>46</sup> Pano, byo Nakonsha kutemwa mupaka pa mamineti acheche, nobe byo kyajinga, mu kusenda aye mukachi ka kikye nobe wa bumaama, mwamona, akwa. Kabiji umvwe mwanamulume ubena kukeba kutatula kutwela mumasongola; musango wa nsongwakazhi, aye ye. . . Wakila pa kulamba pa kumumona. Mwafwainwa kuleta muntu umo, byonse bibiji mweo ne mubiji byakwatakana pamo; muntu umo awa waketekelwa kwikala kine ke mulunda nobe ne mukwenu, ao ukekala ne obewa monsetu mubyanyana ne mu byakepa.

<sup>47</sup> Pano, bino, Ahaba, aye wamukomokele mambo wajinga walamba, Naketekela mba, ne kusongola. Kechi kyakonsha kwikala kintu kikwabo pe aye ne, mambo a aye, mubi byonka byo ajinga. Kabiji aye waile kokwa. Kabiji nanchi, mambo, kasa bamupomba nobe byobya, ne kumutemwa aye, kika, aye walengejile bonse bena Isalela kwikala mububi ne kuba kyatama kwi Lesa, kabiji ne kutabaula bitapisho bya kwi Lesa; ne kushimika bitapisho bya kwa Baalimu. Kabiji bajinga na bupopweshi bwa kwa Baaela monka mu Isalela, po kyokya kimye.

<sup>48</sup> Pano, mukazhanji walengejile bololoke bwa kwa Naboth. . . Bavula anweba mwamutangapo aye. Byo atolele bujimi bwaji, na bujimbijimbi; wachipile, bubela, kabiji wajinga na bakamonyi babubela nabo. Mambo, wakebelenga kuuba kintu kimo ku mulume wanji; kabiji waipaile muntu wa bololoke, pakuba mba atambule abwa bujimi bwajinga pepi na kipango muyoya ntanda.

<sup>49</sup> Byonse bye, Lesa watajilenga panshi. Nanchi ngauzhi, Elaija, wajinga mukatampe, kalume wabulume wa Nkambo,

waawile ne kubula Yezebela bintu bikamweka kwi aye. Kabiji aye wabuujile Ahaba mba bakabwa bakamyanga mashi anji mwine. Pano, inge Lesa waamba kintu kiji kyonse . . . Mambo, aa moba, Kyambo kya Nkambo kyaishile kupichila mu ngauzhi.

<sup>50</sup> “Lesi, mu bimye byakala ne misango yapusanapusana waambile kubashakulu kupichila mu bangauzhi, mu jino juba japelako kupichila mu Mwaana Wanji, Kilishitu Yesu.”

<sup>51</sup> Nanchi, *Akye* kyo Kyambo. Kabiji inge kintu kimo kyapusanako na *Kyokyo*, kilekaitu buke bwakyo. Mwamona? Pano, kyabubiji, Aye wamba leelo kupichila mu ngauzhi, umona, kabiji ne bikwabotu. Bino kitanshi kyo *Kikye*, Kyambo. Pano . . .

<sup>52</sup> Kabiji Ahaba waubile byonse abye byatama. Kabiji aye watwajijile; Lesa nakupesha bantu pa myaka yavula. Kabiji, kyapelako, Yeoshafwata wajinga mfumu wa Yuda, kimye Ahaba kyo ajinga mfumu wa Isalela.

<sup>53</sup> Kabiji, nanchi, Yeoshafwata wajinga muntu waoloka. Aye wajinga mwaana wakwa Asa. Asa wajinga mu—mu muntu wabololoke, kabiji aye wakundawile byonse bitapisho bya—bya bankishi; ne kushimika bitapisho bya kwa Yehoba. Kabiji bajinga na—na kusangululwa, nobe byonka byokyajinga, monka mu Yuda.

<sup>54</sup> Kabiji pakupitapo ka kimye, Yeoshafwata, nangwa Ahaba, watumine, kabiji wataineko lubaji lukwabo lwa mushiji, ku Silya, aye walangulukile mba uji kulubaji lwanji, mba aye walangulukile amba usa kuya ne kusenda. Nanchi aye waipwizhe Yeoshafwata inge aye wakonsha kuya ne kupanga luvwang’ano ne aye.

<sup>55</sup> Kabiji, mambo, kuji bulwanyo bukatampe bingi, monai, byo bamwene iwe mfumu mukatampe, Ahaba, monka mwa, kabiji bamwene iwe mukatampe papo, Yeoshafwata; umo mwi abo, wa kyambazhi; mukwabo, muntu wayulwa-na Mupashi. Talai musango momusakulengela alwa luvwang’ano. Talai byomubena kuba, musango anweba mo musakwikashila kikonkoji na babula kwitabila. Ilamai anweba bene, na butoto, kukijishamo mu juba jo tubena kwikalamo.

<sup>56</sup> Naketekela, kipwilo, kwakubula ne kinvule kya luzhinauko ne, abye byasokwa mu muchima wami. Ao oene mambo Amiwa o mbena kutala ku mafuku faivi, katatakatu; ne jikwabotu, kasa kikyanyye kumweka, pai akye kipwilo kupesapesa kwabaya, kupichila mu Baibolo.

<sup>57</sup> Atweba tubena kwikalamo mu binvule bya kimye. Kyakonsha kumweka kimye kiji kyonse. Uvmwe atweba twamona bimye kasa bibena kwiya nakufikizhiwa kwa bintu; abwa bonka bujimbijimbi bwa mulwanyo, abwa bonka bulume. Atweba tubena kutala ponka pakino kyakukumya ne bintu byonse bibena kumweka, ne byonse byamalwa, ne byonse bintu byapusanana pusana. Abye byonse byaletwa namambo abya

bimiko, bya kwambula mujilo wa mambomba ne bintu bikwabo. Abye byonse bibena kuvwangakana pamo. Kabiji abyе byonse bibena kulubankanya mwaila lambolotali mukatampe wakwa Lesa, mu kufikizha Aye Kyambo kyanji. Kikeya kumweka.

<sup>58</sup> Nanchi, “muntu wa bubi” ubena kwimana, bulume, nanchi, ke bujimbijimbi. Ami. Naumvwine wamwingilo lukeelo luno, muntu wayulwa-na Mupashi, kutola kiyukilo kya lukinyama ne kwaamba mba antikilishitu wajinga Russia. Ke kilubo kyamusangoka. Uu-uu. Russia kechi ujipo na kintu kimo kya kuuba nakyo ne. Ine, mwane. Abyo ke Kyanembwa. Pano, bino monai mu kino kimye kikatampe kyo tubena kwikalamo, ke lujimuno.

<sup>59</sup> Pano, awe Yeoshafwata, waumvwine musango wawama mambo mfumu mukatampe wa Isalela waambile mba, “Iya, umpempule amiwa.” Kabiji aye waile kokwa. Kabiji batolele ng’ombe ne mukoko, kabiji ne bikwabotu, wapaine kitapisho. Kimye kyonse, mu muchima wakwa Ahaba momwa, aye wajinga mujimbijimbi, mambo aye kechi wapopwejlenga kyokyo ne. . . nangwa kupana yewa mukoko ne bintu bikwabo na muchima wakine ine, mambo, panyuma yabyonse, aye wafunjile bingi kufuma mwaila bupopweshi bwa mukazhanji.

<sup>60</sup> Kabiji monai, byonka Ahaba byo asongwele Yezebela mu kimye kya yoya nkulo ikatampe yamfishi ya Isalela, waletele kupopwela bankinshi mu Isalela, ke kipasha kyaleelo. Monka mu nkulo ya mfishi; kimye atweba kyotwalupukilemo kupichila mu batumwa batanshi, kimye kyabubiji, kimye kyabusatu, amwa mu nkulo ya mfishi, myaka fiftiini aduledi. Nobe byonka Ahaba byo a songwele Yezebela kabiji waletele kupopwela bankishi mu Isalela, nanchi ne kipwilo kya Mupashi Wazhila kyangwele muma isms, kabiji waletele kupopwela bankinshi, kabiji leelo ke musango wa Bwinakilishitu. Mwamona? Mwamona, nanchi mfishi bingi. Kabiji pano kyaendele kuya kulutwe, pajuba pajuba; kila nkulo ya kipwilo kyaile ne kufika pa kintu kimo, kufika kukipimo kikantampe kyapelako, ku musango wa kyambazhi ubena kwiya, kyambazhi kya mu Nkulo ya Kipwilo kya Laudikeya. Oo, ke kimye kyatama bingi kyo tubena kwikalamo.

<sup>61</sup> Telekai. Nasaka kwisolola ponka pano, Amiwa kasa kyangye kuya kulutwe ne. Amiwa ne musapwishi wamusango-wakala waiyanga nakusakanga kumona moba akala. Amiwa namona bingi akwe kusombolola, kwa Hollywood mukufwanyikizha Mambo awama, poso Amiwa nanchi pona nakolwa ne kukoka nabyo. Ee, mwane. Nasaka kumona musango wakala. Amiwa naumvwa moyo tubena kulengela Bwinakilishitu kwikala bwawama bingi ku bantu; ke mulaini wakila mubulemo.

<sup>62</sup> Pano, Yeoshafwata waishile kuno, ne kulanguluka mba, “Oo, kyawama, awe mfumu mukatampe wa Isalela, Amiwa nsaku. . .

Oo, tusa...Kisakwikalatu bulongo.” Kabiji monka mukachi ka byonse bye bikantampe byakwamba, kika kyo aubile? Aye walengele luvwang’ano, lwakuya kokwa ne kulwa na mulwanyi, pa mpuzha yaseeka, mambo baambile mba, “Atweba bonse twi bantu bamotu.” Bino kechi byo bajinga ne. Jimo jibumba jajinga ja yuzhiwa-Mupashi, jikwabo jajinga jibumba ja kyambazhi. Abo kechi ke bantu bamotu ne. Ine, mwane. Anweba kechi kwakonsha kwikala na . . .

<sup>63</sup> Mfishi kechi yakonsha kwikala na lumvwang’ano lwa bupopweshi na kyeya ne. Abwa—abwa bufuku kechi bwakonsha kwikala mu kyeenyi kya kyeya kya juba ne. Kabiji kimye kyakijishe mukuzhika, kiji pakachi ka bimye. Umvwe juba jibena kuzhika nangwa inge jibena kusaama, kyo kimye kyakatazha akya kimye. Akwa kechi kwa konsha kumweshi patoka ne; kyeya kyenu kya myotoka yenu kechi kimweshi bulongo ne kutokeshi ne. Ke kana kyawama nangwa kyaikala ke mfishi nangwa kyeya. Yesu waambile mba, “Kwikala wakaba nangwa watalala, nangwa bukyambazhi.” Akyo, ke kufika pa mulaini wa bulemo.

<sup>64</sup> Kabiji nanchi Yeoshafwata, kimye byo aishile, kabiji nanchi alwe ke luvwang’ano lukantampe lwalengelwe, akyo kya bujile kutokeshi Lesa pa muchima. Kabiji monai, monka mu kimye kyanji, ke byonse bye byakisangajimbwe pano, “Amiwa natalwa bulongo ku iwe mfumu. Kabiji, oo, Amiwa—Amiwa—Amiwa njina lumvwang’ano lwa bupopweshi na iwe ye twalamakana nanji. Amiwa njina . . .”

<sup>65</sup> Mwamona, ikalai bajimuka, kyokyo, kipwilo. Mwamona? Akyo kyo kilengela lukatazho lonse lwa ino tambanako kuno, kabiji ne kuzhokoloka kukwabo. Mwamona? Ikalai bajimuka pa byo mubena kumvwangakanya. Mwamona? Lupukamo, ne kwikala wa Kilishitu nangwa kwikala kulubaji Lwanji. Mwamona?

<sup>66</sup> Pano, awe mulongo walengele lumvwang’ano, kabiji aye walangulukile mba wauba kintu kikatampe bingi. Nangwa byonkabyo, aye byo aambile mba, “Bushe kechi po aji nenyi, kasa tukyangye kuya, atweba twafwainwa kwipuzha Nkambo pa kikye?” Bino, Yeoshafwata wajinga na bupopweshi bwavula bingi bwashajile mwi aye, mu kilubo kyanji, amba aye waile kokwa ku iwe mfumu, bino aye wajinga na bupopweshi bwavula bingi mwi aye bwa kulanguluka mba, “Kyawama, twakonsha kwipuzha Nkambo.”

<sup>67</sup> Pano, Ahaba wailengatu kulutwe kwakubula kwamba kyambo ne; mwailatu mwine byabumakanika, byakumubiji, mwaila ngubilo yamashinda a muntu.

<sup>68</sup> Amiwa mbena kukumyatu papo, kipwilo, inge kechi byo kiji ne, bimye byavula, twalenga bilubo. Kilangulukaitu, ne kwamba

mba, “Kyawama, kyafwainwa kwikala *mujije* jishinda,” kabiji twikikajika nobe byobya.

<sup>69</sup> Amiwa nalanguluka mba amo imo bonsetu mobavujila bena America basapwishi baleelo jino, amba atweba twabika monka mumusango wa—wa, Amiwa mona konsha kwaambila mba, Hollywood busapwishi, bonsetu bwavula bwayoya ng’ambilo. Atweba twamona musapwishi waiya ku pulatifomu, leelo jino, kabiji, ami, aye usakwibifumyapotu byonse, ne kubulang’ana byonse byakusekesha kasa aye ukyangye kutatula kusapwila, kabiji ne bintu nobe byobya, kabiji ne kusenda yenkawa musango ne byubilo nobe byakusangajika, monka mu pupeti. Inge kimye kyafika kya kwita bantu pakyakusokelapo, bantu kechi bamonapo bukishika bwa kwita bantu pa kyakusokelapo ne. Abyo ibyo. Ao oene mambo ntanda kyo yaikela mu musango wa kyambazhi leelo jino, byobyo kiji.

<sup>70</sup> Amiwa nakumya, leelo jino. Kijitu, leelo jino, Amiwa . . . Akyo kipwilo, atweba twaeseka kutuma bansongwalume betu ku sukuulu, mu kufunda byamaana, ne bintu bikwabotu nobe byobya, mu kuyuka mwaila kubika mutanchi, mu kubika pupeti ne kunengezha bulongo atweba . . . Aya mbila ibena kwibongola bingi, aya ikakwata bantu, kabiji ne kukebula milanguluko yabo. Kabiji bavula bakantampe bamaana baya byonkabya nobe bafunjishi, kabiji ne kubika byabisela ne kubika byonsetu byayewa musango byavula. Kabiji Amiwa nakumya, kimye kyo . . . kuuba mba . . . Atweba kimye kyonse tubena kwamba pa buya ne bongozhi bwa kipwilo. Pakuuba atweba tunkankalwa kwibabula abo, “Aye ukalondela Amiwa, mulekai ekane ayemwine, atole musalabu wanji, kabiji andondele Amiwa.” Amiwa nakumya inge atweba kechi twakonsha kulenga kipwilo kwikala kya buya ne kulamba ne, namambo abalunda beya monka.

<sup>71</sup> Nobo kyakumwenako, kipwilo kya Baptist leelo jino kiji na ng’ambilo ya busulu mba, “Mamilyoni avula mu 44,” nakusenda ba membala mu biumbi, kabiji ne biumbi bya jikumi, babula kwaluluka, ke bantutu batwela ne kutwela mu kipwilo. Kabiji ke mambo ku Kipwilo kya Yesu Kilishitu, pakuuba mba basende bamembala bavula. Aba pakitwajijila kutoma. Abo bakitwajijila kupepa. Abo bakitwajijila kuteya ngyuka. Abo bakitwajijila kubepa.

<sup>72</sup> Abo beya ku kipwilo, mukuketekela mba jibumba ja basapwishi baki Hollywood basakwibasangajika pakwiya, kasa babika byavula byang’ambilo, ne byavula bya byabijimba byabikiwa peulu-ne-panshi pa pulatifomu.

<sup>73</sup> Kimye, kya kwikala na musango-wakala, Lesa-patanshi, kujila, lwito lwa pakyakusokelapo kokwa; akwa banabalume ne banabakazhi kobabula kwiya na munema, nangwa kunyema ne kumweshwa byubilo nobe byakusekesha, bino kwiya

pakyakusokelapo ne kuvuluka mba lufu lwa Yesu Kilishitu luji kokwa, amba wibafwijile abo, amba babena kubwela na bukishika kwi Lesa jibiji.

<sup>74</sup> Amiwa nakumya kana kechi tubena kwikala mu yewa musango wa kimye ne, inge twasenda basapwishi bakatampe, nobe byonka bavula babena kukilan'anya mishiji leelo jino, namambo kuyukanikwa-kukantampe kwa basapwishi aba batanga bya maana kabiji ongola bantu ku kipwilo. Bino panyuma yakuya ku kipwilo, pano kika kyo usakuuba kwi abo? Kika—kika kikamweka panyuma ya kufika ku kipwilo? Inungaitu mu kipwilo, kabiji ne kubwela na bubi bumo kabiji ne nkebelotu imo byo batwelele mu kipwilo. Babwela jibiji mu musangotu umo. Kabiji ao oene mambo, leelo jino, ntanda kyo italapo, waambile mba, “Kyawama, inge *awa* muntu uji na bupopweshi, inge *awe* muntu uji na bupopweshi. . .”

<sup>75</sup> Amiwa naakamwa atweba twalenga ke kyapela bingi. Ke, Amiwa natemwa. . . Nalanguluka mba, lusekelo, kyakine, Naketekela mba lusekelo lonse luji mwi Yesu Kilishitu. Abyo ibyo. Naketekela mba ke lusekelo ne kusekela. Bino vulukai, mulongo, ke jishinda ja byakosa ne kumanama kabiji ne musalabu. Mwafwainwa kutuluka mba, nakyu. Abyo kijitu bulongo. Amiwa nakumya inge atweba twikipenta pacheche nakyu—ke pacheche nakyu kyalezhima.

<sup>76</sup> Nobo, Amiwa natajilenga, kabiji mukazhami wabikile. . . Amiwa natatwile, kabiji aye wajikubika kajiluba ku kivwalo kyami lukeelo luno. Aye waambile mba, “Mwafwainwa kwi kimvwala. Bainenu baji na bumi.”

Kabiji Naambile mba, “Oo, mutemwe, Amiwa kechi nayuka ne.”

<sup>77</sup> Juba jaba Maama jawama bingi, bino akyo kijitu nobe ntanda, abo babena kwibika ke kyantanda yonse akyo kintu, na kupoteshatu maluba kabiji ne bintu bikwabo. Kika, ke boono kwi bamaama. Kika, ba maama bami ke ba maama bami moba onse mu mwaka, ee, mwane, kechi jubatu jimo ne.

Nsakwamba mba, “Watemwa bainobe nyi?”

<sup>78</sup> “Amiwa namutumijile mulumba wa maluba Juba ja Bamaama japita.” Kyawama, mulongo, wafwainwa kwikala maama pa juba pa juba. Bino ke kyantanda yonse.

<sup>79</sup> Aja jiluba ke jalamba bingi. Amiwa natemwa jiluba jalamba. Amiwa ndanguluka pa kyokyo nobe byonka byo Amiwa nguba. . . Musango wa jiluba byo jalamba. Ajo jisapuka. Kabji jiji na byakunukila byavula. Kabiji bipitaila bomvwa bwema. Aba banyama beya na, nabwema bwakyo. Bino, pano talai, ke kintu kyalamba. Nobo Kipwilo kya Nkambo Yesu Kilishitu, Ke kintu kyakila bingi kuwama; Lubuko lwa Bulesa, ne bulume, ne bya kukumya, ne biyukilo, ne bya bulume, kabiji ne kukasuluka kufuma ku bubi. Ke kifulo kyawama. Bino, talai, inge awa

jiluba . . . Atweba twafwainwa kwiya, ku Kipwilo, nobe bilengwa na lesa byonse.

<sup>80</sup> Awa jiluba, ke kyalamba bingi, yense ng'ombe mu kyalo wafwainwa kwikikebesha inge aye wakonsha. Bino bilengwa nalesa byaubikilwe pacheche na mpoko yatwa, mamfumo acheche atwa konkwa, watelwa mba miba, kabiji ne kwibisha byonkabya. Akyo kyokimulamawizha. Abyo ibyo kiine.

<sup>81</sup> Kabiji Nalanguluka mba, leelo, inge atweba kechi tuji na Kyambo kya Lesa ne, kyatwisha kukila poko yatwa-kubiji, buzhokoloke bwa kulamba kwa buleme bwa buzhile bwakwa Lesa, atweba tusa kuswisha kila ng'ombe mu kyalo kulamachila ku Kyonka ne kwikija Akyo. Ki kajiwa Akyo. Kikekala ke Kipwilo kyazhatwa. Abyo ibyo.

<sup>82</sup> Nalanguluka mba, leelo, kyo tubena kukeba ke musango-wakala, bamingilo baitwa na Lesa-baitwa, banekena, kampe kechi bafunda pabaisha ne, bino tuleta bantu ku kyakusokelapo, kabiji ne kwibabungizha kokwa. Kechi na lusekelo ne kuseka ne, kabiji ne kwilemena na kunyeuna mambambu gamu, kabiji nekubika jizhina jabo pakipepala; bino, mulongo, kujila kwakala ne kufwa, poso banabalume ne banabakazhi balapila bulongo ku bubu bwabo ne kufika kwipi kwi Lesa. Amena.

<sup>83</sup> Nemubula mba, tuji na, "Sutulaiko maboko enu, abo babena kukeba kuswa Kilishitu," bonse byonkabya. Akyo kijitu bulongo, mulongo, bino akyo kechi—akyo kechi kyakonsha konauna bubu ne.

<sup>84</sup> Anweba pantashi mwafwainwa kulapila, tambula kyalumbuluka, ikala popa panshi kabiji kiine ne kujila. Amiwa nakonsha kuvuluka abya bimye kimye bantu-bakala byobajinga na mafashoni bakonsha kwenda kupichila mu mikwakwa na kupupula, kabiji baya peulu ne panshi mu mikwakwa, kujila, ne kwamba ku bena kikalankulo. Awa wajinga Benakilishitu ba mujoja juba; kasa babena kwibabula pa bintu bya kwa Nkambo.

<sup>85</sup> Kabiji, leelo, twabika jizhina jetu mu buuku wa kipwilo, kabiji twaya na kwikala ku nzubo, kabiji kechi twakonsha kwamba kyambo pa Kikye ne. Kechi wajinga wakusakamana ne. "Kikulutu tuji ku lubaji lwa kipwilo, kijitu bulongo." Amiwa naketekela mba tuji mu kilubo kokwa, bantu. Kebai. Mambo, akyo kechi kyakonsha kwimana mu luzhachisho ne. Ine, mwane. Kechi kikobiwa ne.

<sup>86</sup> Kechi pajipo kintu kikwabo ne, "Awa ukandondela Amiwa, mulekai ekane ayemwine, ashikule musalabu wanji, ne kufwa pajuba pajuba." Ikalai bafwa, akwa ku musalabu. Abyo kijitu bulongo. Kutanta kukantape kumubiji! "Jishinda, Amiwa jo katola jishinda," ja kwimba, "na bacheche ba kwa Nkambo basulwa."

<sup>87</sup> Nalanguluka mba leelo, ke kimye kyo tubena kwikalamo! Awa, musapwishi, bamubikile mu kyeya kikantampe kyasama,

ne kumweseka ku . . . Inge mwamona musapwishi ubena kwiya mu tauni, anweba mubena kukumya. Amiwa, mbung'eno yami yazhatwa mu musango umo. Abyo ibyo. Nakumya ing'anyi ubena kwiya mutauni, kimye kimo, musapwishi nangwa Yesu Kilishitu? Kika, baji na . . .

<sup>88</sup> Naile mu punzha imo kuno, kechi papita kimye kyabaya ne, apo musapwishi umo po afwaijilwe kwiiya. Kabiji Jizhina ja Yesu . . . Kika, bajinga na kipikichala kya musapwishi, “muntu wa kimye,” muntu uji na *kikye*, kabiji muntu uji na *kyokya*.

<sup>89</sup> Amiwa, kimye kimo Ndanguluka pa mwingilo wami, kabiji ne kumona bantu kasa beya. Kabiji Nakonsha kutwela mu kibamba kya hotela, mba, “Lesá, ao—ao bantu ye babena kwiya na kumona, ami nangwa Anweba?” Mwamona? “Inge babena kwiya nakumona amiwa, abo bataika, mino; bino, O Lesá, tabaulai amiwa panshi, fumyaipo amiwa. Nasaka kwimwimenako Anweba, Yenka Umo ye tukemanako juba jimo, na kuzakama na mabako ne kuzakama, ne mubji wakoka bingi, ubena kutala pe Anweba. Byo twayuka mba mweo wami waakobama na kufukula Kwenú.” Twayai tumbijike Kilishitu.

<sup>90</sup> Leelo, mwaamba mba, “Kyawama, Amiwa ne wa ku Baptist. Amiwa ne Methodist. Amiwa ne wa ku tambanako. Amiwa nguba *kikye*.” Oo, akyo kechi kijipo nakintu kimo nakyo ne; nangwa kimo ne. Nakumya kimye kimo.

<sup>91</sup> Kuno kechi papita kimye kyabaya ne, Namwene ki—kiyukilo kya busulu, apo kipekenyi kimo kyamunkinyi kyaishilenga mu muzhi. Kabiji kyambo kya muntu, jizhina ja muntu jinyema bikatampe na bisopelo mujoja jishinda kuzhokoloka, nobe *byobyá*. Kabiji kuya panshi, mu kooná muचेचे, waambile mba, “Yesu Kilishitu ujitu pamo keesha, leelo, ne myaka yonse,” jishinda kuya mu kooná. Mwamona?

<sup>92</sup> Basendele buzhile bonse kufuma kwi Kilishitu, ne kwibubika pa muntu umo, nangwa kipwilo kimo, nangwa kabungwe kamo. Mulongo, Amiwa mbena kwimubula, anweba mwakonsha kusenda na ng'ambilo, Hollywood byakusekesha, nobe byobyá, mu na . . . ku kipwilo. Bino, mu Kyeenyi kya Yesu Kilishitu, Aye ye Iye wakatumbijikwa. Abyo ibyo. Pano, akyo bo bukine, mulongo wami mutemwe ne nyenga.

<sup>93</sup> Kechi muvwe kuzhingijila amiwa ne. Anweba vulukaitu mba Amiwa mbena kusapwila kwi anweba. Amiwa nakeba kusapwila nobe bibye byo byajinga mbila yapelako yo Nakonsha kusapwila mu bumi bwami. Nasaka kusapwila, mbila yonse ayo Amiwa yo mbena kusapwila, nobe inge Najinga muntu ubena kufwa na kusapwila ku bantu babena kufwa. Kabiji, Amiwa; kyeya kyami kibena kutema, pajuba pajuba; kyenu byo kiji, ne akyo. Kabiji tubena kufwa mibiji yabubole. Kabiji twafwainwa kukumanya Lesá mumi, juba jimo jibena kwiya, kabiji twafwainwa kwikala mu bukishika bwabaya pa kikyé.

94 Nobe mu kya ng'ambilo, kabiji ne kusenda, ne kwitunga ku kipwilo, ne kuya *kuno* ne *kokwa*, byubilo *abye* mujishinda ne *aje* mujishinda.

95 Twafwainwa kwikala na mbung'eno ya musango-wakala wa milombelo mu manzubu etu, kabiji ne kujila kwi Lesa, mute ne bufuku. Juba jibena kufwenya pepi, "kimye kya makatazho, kimye kya makatazho." Aye Baibolo waamba mba, "juba ja fishi." Kabiji tubena kwikala monka.

96 Musango mwaijile awa muntu mukatampe na byakisangajimbwe. Aye winungileko aye mwine na bukyambazhi, na ba kumupaka, kabiji walangulukile mba ubena kuuba kintu kikatampe, kupichila monka Lesa mo atupesheshe aye. Kabiji kechi kutuluka mba nanch aye waletelenga byonse mujibumba kwi aye. Kika? "Jibumbatu jetu jicheche, ja—ja Yuda kuno, jikeya na kukwatakana atweba bene na jibumba jikatampe ja Isalela. Ke bantu babulume bakoba byobyoyo."

97 Abyo byo kiji. Kabiji ayo yo yonka ndonda ya bujimbijimbi diabola ubena kwingijisha ponkapano, pakuuba mba atwele mu antikilishitu; nobe kyonka kya kiine nobe Amiwa byo naimana nakikye. "Kyawama kukwatakanya kwa mukonsha bonse pamo." Atweba kechi twakonsha kuba kyokyo ne. Babiji bakonsha kwendela pamo byepi, kwakubula kumvwang'ana?

98 Awe United States ubena kulenga bintu bimo, betemwe bene mukyakupitamo ne kilubo kimotu, byo kyanungakana na Russia kunyuma kokwa. Pakyokya kimye bajingatu pepi kwikala na nkondo, kabiji ne kwikasa pamo ne Russia. Kabiji pano mwamona kyo tuji nakyo, kechi ibyo nenyi? Baji na mandeke etu kabiji ne byonse byafyamika byetu, kabiji ne atomiki mbomba ne byonse kasa byalala monka, kwi kibwezhamo. Kintutu kimo kyubiwa na bumupashi.

99 Nanchi atweba twatana mba, panyuma Yeoshafwata walengele alwe luvwan'ano, kabiji baiipwizhe. Pano talai, talai pangye ya ntanda, aye waambile mba, "Kine, atweba tuji na bangauzhi bavula bingi kuno. Atweba tuji na sukuulu wa mamboawama ayulatu bonse."

100 Babena kuya ne kusenda balunda abo bafunjishiwa, abo bayuka bya maama, abo bayuka byonsetu. Waambile mba, "Iyai kuno, kabiji atweba tubena kwipuzha ne kupempelela pe Nkambo."

101 Bonsetu abo, nangwa byonkabyo, mwaila bumuntu bya kupepa-kokwa mumilanguluko, kwiya kokwa ne kwaamba mba, "Pano, talai, atweba. . . Yainga kulutwe. Aye Nkambo uji nenu, kabiji Nkambo ukemupa alwa lubaji lwa ntanda, amba, ki kekala ke kyobe. Anweba mukashindaika bena Silya kubwela kunyuma. Anweba mukaya nakwikyuba." Umo wa mwi abo wilengejile aye mwine masengo abiji a kyela kya kapotwe, kabiji

watatwile kunyema na kuzhokoloka *bibye*, kasa abena kwamba mba, “Akye kyo kika, obewa ukapangamo bena Silya.”

<sup>102</sup> Bino, Yeoshafwata, ke pacheche bya bumupashi, wabikile na byakukosama ne byakusekesha. Abyo ibyo.

<sup>103</sup> Lesa, tupai atweba bavula babena Yeoshafwata, bakolwa ne bakoka na *bibye* bya Hollywood byakusekesha. Abyo ibyo, kuvwala, kufwanyikizha kwikala nobe kintu kimo akyo kyobabulamo ne; mukulenga mba, byabisela, ne byakupanga. Kabiji nachi kimye kyakwiya abo, akya kusenda kimye anweba muji? Nobe kwipuzha muntu, “iya owenga mu kiselebwa.” Kafwako bino ke pabusengatu ku muntwe, kya kulengela mambo abulanda panyuma.

<sup>104</sup> Pano monai, mwakonsha kwibatwezha byepi? Inetu umo waambile kwi amiwa juba jikwabo, “Muntu umo waambile mba, ‘Amiwa mbena kuya ku kipwilo, pano kika—kika kyo Nakonsha kuuba inge Naya ku kipwilo?’ Waambile mba, ‘Byonse byo bobatu ke kubungizha mulajilo, kabiji abo... pa *kikye, kyokya*, kabiji ne *kikwabo*.’” Kabiji inetu waambile mba, “Najinga wabula ng’ambilo, mambo Amiwa kechi nayukile kwakumutuma aye ne.” Abyo byo byo kiji. Waambile mba, “Nalanguluka mba inge Nakonsha kutana kipwilo kyakala apo po bema awa musango-wakala wa nyimbo kabiji ne kwikala bulesa.”

<sup>105</sup> Baana baji nanzala, abo basakuja kufuma mwakutaya ndochi. Kijitu ku Kipwilo kya Lesa mumi na kwibajisha Kyambo kyumi kya... kya Lesa.

<sup>106</sup> Akwa, mu byonse bye buwame ne bintutu bikwabo, Yeoshafwata waambile mba, “Kechi kujipo umo washalapo ne?”

<sup>107</sup> “Mukwabo umo mukwabo?” byo byaambile Ahaba. “Kyawama, kika kyo mubena kukebela mukwabo? Atweba tuji na foolo aduledi bawama, basalululwa, bafunda, bajipeulu-bakujisha, -bavwala bulongo banabalume baji mu kyalo, baimana kuno. Bonsetu kasa baji mu kintu kimo, kabiji muchima umo, ne jiwi jimo, amba, ‘Yainga! Lesa uji nenu.’”

<sup>108</sup> Nakumya kana ba United States kechi bakumanyapo kintu kimo ne. Nakumya kana Kipwilo kya Lesa kechi kyafikizha kintu kimo ne. Nakumya. “Kyawama,” waambile mba, “talai, abo baji na byabubile. Baji na bikatampe, mambungeno akatampe. Babena kusenda masauzande pa kimye.” Bino Nakumya inge kujipo umo mubavula. Nakumya kana kechi pajipo kintu kimo kypusanako ne.

<sup>109</sup> Twatana kuuba mba, tuji na sate sauzande baitabila mu milungu sikisi, kabiji milungu sikisi palutwe kechi tuji na umo ne. Pajipo kintu kimo kyatama pantu pamo. Abyo ibyo. Kabiji byonsetu ke ngambilo, kumvwala. Aye ntanda, kupichila mumashikopo, kupichila muwaileshi, kupichila mukumweshwa kwa kipikichala, kabiji ne byonsetu byakumweshwa bijiko,

byalengela kino kyalo kwikala kyakosama kyabumbulwa maana na bya Hollywood. Abyo ibyo. Bintu byonse bibena kukeba kwikala mu bya ngambilo. Bushe akyo kechi kya bukine nenyi? Mwayuka mba abo bo bukine. Atweba kechi tujipo na musango umo wa bupopweshi-bwakala bo twaikalanga nabo myaka yapita kunyuma ne. Ke namambo akuba mba twikisula ne kwikisha. Kyawama tusakuyako, pa kakimye kachechetu, musa kwikimona.

<sup>110</sup> Kika, ke kipikichala kyawama bingi, nangwa ke kipikichala kibena kuleta lusekelo, Nakonsha kwamba. Kabiji awe Yeoshafwata wayishile, ne kwamba mba, “Ee, Nebamona bonse. Baji, bonsetu, baji na madigili abo,” kabiji ne byonse byo kyajinga. “Bonse bangauzhi, nangwa bamwingilo bakatampe. Bafuma mu jibumba jikatampe ja masukulu akufunda. Kabiji byonse bye. Bafuma mu sukulu mukatampe waba ngauzhi, kabiji ne byonsetu. Bonse bajitu na buumo. Akyo kyakine. Bino kechi kujipo umo washalapo ne?”

<sup>111</sup> “Kyawama, kika kyomusakukebelanga yeo umo, kimye abo foolo aduledi babena kupana byambo pa kimye kimo?”

<sup>112</sup> Bino awa muntu, mukachi ka muchima wanji, wajinga na Lesa. Kabiji aye wayukile mba kujipo kintu kimo kyatama pa kyokyo. Ee, mwane. Aye wayukile mba pajipo kintu kimo kyabola. Kika? Lekai amiwa ne mupe anweba... Akye Kinembelo kechi kyambapo pakyokyo ne, bino apo ipo Amiwa ponasenda. Nayuka mba—mba Yeoshafwata wayukile awa kafutufutu kokwa, Ahaba, amba aye kechi wajinga bulongo na Lesa ne. Kabiji Elaija waawile Kyambo kya Lesa kwi aye. Kabiji Lesa wakonsha kupesha byepi akyo Aye kyoafinga? Amena.

<sup>113</sup> Naamba kintu kimo leelo, mulunda. Kabiji Kipwilo kya Lesa mumi, ao waimana wakishika kwi Lesa, ukamba kintutu kimo. Kuba mwamvwangakanya maanyi ne meema pamo ne kwieta lupulukilo ne. Kuba mwikyuba ne. Wafwainwa kwiabanya obewa mwine, mulongo. Kintu kimo kyafwainwa kumweka. Inge kuji luketekelo lwashalapo, twafwainwa kubapo kintu kimo, kabiji ne kwikyuba bukiji bukiji; mambo, kimye kya Kushikulwa kujitu pepi.

<sup>114</sup> Bintu bibena kwibungizha pamo, bintu byonse, kabiji ne kipwilo nakyo kyawa kwalepa. Abo batanga misango yonse ya magazini, mabuuku, mashimikila, ne bintu byonse. Amiwa nakonsha kuya leelo ku... Nakonsha kuya ku kipwilo, kabiji Nakonsha kwamba mba, “Oo, baanga bayuka...” Bayuka lwimbo yonsetu, panyuma yakupita mu kukwe kumo kukatampe kwa kusangululwa. “Pano, kika—kika kibaba kya kimo-kimo kya lwimbo?” Bekiyuka. Bayuka byo aji. Bayuka ubena kunyemena bu Ndamakyaalo, kabiji ne ubena kunyemena ku *kikye*, kabiji ne ma filimu masongola atubangabanga, *kikye* ne *kyokya*, ne *kikwabo*. Bino, Kyambo kya Lesa, abo kechi

bayukapo kintu nangwa kimo ne. Abo byo byo kiji. Nanchi atweba tubena kupana abo-...Kabiji, nangwa byonkabyo, bamba mba Benakilishitu.

<sup>115</sup> Kabiji bantu kechi boba kutopeka ne. Ke kyafuma kunyuma ya pulatifomu, ako kokibena kufumina. Abo byobyokiji. Ke kyafuma kunyuma ya pulatifomu. Abo bebufunjisha misango yonse yang'imbilo, kabiji ne misango yonsetu ya *kikye* ne *kyokya*, ne yatubungwe, kabiji ne kulenga mabumba a buyufi, ne bintutu bikwabo. Nakumya kana inge kyalipilwa kala. Kechi paji kyatama kwi akyo ne, bino Amiwa mbena kukumyatu kana inge byobyatongolwa bya kwa Lesa.

<sup>116</sup> Kimye, Yesu kyo aambile mba, "Kanatu muntu nekusemwa mu meema ne Mupashi ne, aye kechi ukatwela mu Bufumu ne. Aye mba ukekala ke-...ukakonsha kundondela panyuma Yami, lekai aye ekane ayemwine, kabiji ne byalwiso lwanji lwa pantanda, atole aye musalabu wanji, ne kundondela panyuma Yami." *Musalabu* ke kwimenako alwa "lufu, lwakuntanta lwatama." "Aye ukekala mwina Kilishitu, lekai aye evule ayemwine milanguluko yanji. Lekai aye evule ayemwine mingilo yanji. Lekai aye evule ayemwine byonsetu, ne kwikana ayemwine, ne kusenda musalabu wakwipana, ne kundondela Amiwa pajuba ne pa juba. Aye wiya panyuma Yami, mulekai aye obe kyokyo." Abo Yesu byo aambile.

<sup>117</sup> Bino, leelo, twaamba mba, "Muntu yense uji na kimye kyabaya. Muntu yense apopwele maboko anji. Muntu yense abijike mba, 'Aleluya!' Muntu yense obe *kikye*." Oo, byo tuji na jibumba ja kisangajimbwe! Amena. Lesa. . .Atweba tutole iye nyimbo ipya ne kwimba bukiji bukiji, byo kyamweka nobe atweba tubena kupita mu kibumba, nangwa kintu kimo kiji byo bya.

<sup>118</sup> Inge, Nalanguluka mba, inge twakonsha kwimba *Kwipi*, *Lesa Wami*, *Kwi Anweba*, kyakonsha kwikala kyawama bingi ku Kipwilo; musango-wakala wa nyimbo.

<sup>119</sup> Kuletamo byamazha abany'imbi a bantu bavula, bansongwalume bamo bamazha abuny'imbi bavula baji kuno na kwimba, bufuku bwapita, kabiji bufuku buno kukwe na kukaya mu kipwilo kya Lesa mumi? Ke kyabunya ku meso akwa Lesa. Lekai awa muntu ashiniikishiwe, patanshi, kabiji lekai aye apange bipangwa, ne kusambakana na lulapilo, mu kumwasha mba uji bulongo na Lesa.

<sup>120</sup> Abo baleta byazhilo ya muntanda monka mu pulatifomu. Abo baleta bya Hollywood, byakisangajimbwe bya kusapwila, monka mu pulatifomu.

<sup>121</sup> Kika, kechi Naikele mu muzhi wenu wawama ne, milungu icheche yapitapo, mu Louisville, Kentucky? Muchima wami walajika, kimye akyo abo bajingamo bonse, benengezha kumona byakukumya bya kwa Lesa; kabiji bukiji bukijitu byonka

naweba mubena kusapwila Mamboawama, abo bakayuzhanga, mu sekondi umo, kabiji bavundaminako manyuma abo ne kulupuka kufuma mu kishimikwa. Kiinetu. Abo kechi bekikeba Akya ne. Abo michima yabo yakosa. Balupuka; kabiji bavula ba mwiabo, ba Polotesitati, ne abo, baya ku bipwilo bya ba Polotesitati. Bino bayujilenga... bayula ne kuyula na byakisangajimbwe ne bintu bikwabotu nobe byobya, ne bya kukosama byakubula maana ne bya bukipwilo, poso babula kuyukapo nangwa kimo pa Mupashi wakwa Lesa mumi ne. “Kwikala na musango wa bwina lesa, bino sababena kukana Bulume bwao.”

Ke musango wa juba ajo atweba jotubena kwikalamo. Talai ako kokibena kwibungizha.

<sup>122</sup> Yeoshafwata waambile mba, “Nayuka, Ahaba. Akwa kokuji foolo aduledi basapwishi bobo. Aba bonse ke bawama-mumwekelo balunda, yensetu wamwi abo uvwala bingi bulongo ne nsuki yasukulwa bulongo yawama, kabiji ne bintu byonse, musango yense mo kyaikela. Bakonsha kwikala nababo ba D.D. s. Bakonsha kwikala na misango yabo yonse ya madingili. Bakonsha kuyuka Binembelo, kufuma ku A ne ku Z. Bino kechi kujipo umo washalapo ne, kuntu kumo? Kechi kujipo umo washalapo nenyi, kuntu kumo nenyi?”

<sup>123</sup> Aye waambile mba, “Ee, kwakishalapo umo, bino Amiwa namushikwa aye.” Abyo byobyo kiji. Abyo byokiji. “Amiwa namushikwa aye.” Vulukai, Ahaba wajinga muntu wabumpopweshi, kabiji abo bajinga bafunjishi ba bupopweshi, bino bamushikilwe awe muntu wajinga na Bukine. Waambile mba, “Amiwa namushikwa aye.” Waambile mba, “Aye kimye kyonse wambatu bintu byatama pe amiwa.” Bushe aye wakonsha kubula kutwajijila byepi kufuma mukuba kyokyo, uvwe Kyambo kya Lesa kyamutopeka aye?

<sup>124</sup> Bushe wakonsha kuzhindama byepi inge obewa wi mwanamulume wakwa Lesa, nangwa mwanamukazhi wakwa Lesa, kabiji kuyuka ne kumona bubu ne bintu, bibungizha pamo ne kwibipima, ne byonsetu bintu nobe byobya; kabiji monai myeo ya bantu ibena kuya ku ngehena; mamilyoni pa juba jimo; kabiji kasa waimana? Anweba kuuba mwikyuba ne.

Muntu umo waambile kwi amiwa juba jikwabo, waambile mba, “Obewa walanguluka mba wakonsha kwikikanya nyi?”

<sup>125</sup> Naambile mba, “Ine. Amiwa kuuba ne kikanya ne, mambo Lesa waambile mba. Bino juba jimo, akwa ku Kifulo kya Buchibishi bwamambo, bakaleta sikilini mukatampe, watazha ponka pa kamela popa, kabiji awa tepu lekonda ukamweka ukajizhiwa. Kabiji Amiwa nkeya na kwimana ne kuvwa kuyenka awa; Amiwa mbena kukeba kuvwa jiji jami kasa jibena kujimuna kwikimena akya. Lesa ukazhachisha amiwa inge jiji jami jaiya ne kwikimena akya.” Ee, mwane. Uvwe atweba

twamona bubwe bumi, kino kisemi, lwikimena ne jikwabo akya ku buchibishi bwamambo. Kiine. Atweba tubena kwikala mu kimye kyatama bingi. Kabiji abyo byokiji.

Kabiji atweba twamumona aye wauba. . . waambile mba, “Bushe kechi kujipo umo washalapo nenyi?”

<sup>126</sup> Aye waambile mba, “Ee, bino Namushikwa, mambo kimye kyonse waaula byatama pe amiwa.”

<sup>127</sup> Bushe aye wakonsha kutwajijika byepi ne kufuma kukusapwila bintu byakosa, kasa aye abena kumona akya kibena kuyatu? Mwamona Ahaba kwikala na bumi nobe byonka byo ajinga kabiji ne kuuba byubilo byo ajinga, kabiji ne kuleta bantu byonka byo baji.

<sup>128</sup> Bushe mwanamulume wakwa Lesa, nangwa mwanamukazhi wakwa Lesa, wakonsha kubula byepi kubika ne kukajipila bubi kufuma kulolwa lubaji nyi? Uvwe, abo bamona abe basapwishi ba bukwambazhi, ne bya kisangajimbwe, ne bafunda, ne bintu bikwabotu nobe byonkabyo, ne kuleka bantu kuya mu kungehena, na mamilyoni, na bujimbijimbi; bavulatu. . . ne mu bantu bazhila. Amiwa kechi mbena kwamba byavula pa ba Methodist ne ba Baptist, ne bintu biji byobya ne; baji nabyo, ne abo. Bino kiji monka mukachi ka ndonda yenu.

<sup>129</sup> Ami, kwiya ku pulatifomu, nobe bintu byonse bikwabo kana bino Benakilishitu, kwikala nobe bintu byonse bikwabo, mwaya byaalo ne bintu bikwabo, nanchi bekitela mba “bupopweshi.” Ke bupopweshi, bino kiji kwalepa bingi na lupulukilo lwa kwa Nkambo. Abyo ibyo. Abo basendatu bantu monka mumabumba akatampe ne kwingila-pamo. Nanchi nobe byonka katatakatu mwingilo muheche waingilatu-pamo, nanchi, kintu kitanshi mwayukatu, kechi mwakonsha kutana umo wa mwiabo ne; kipwilo kyaikala mwabula bantu. Mulongo, inge muntu watemwa Lesa, aye ukayuzha kipona kyanji mu kipwilo, kimye kyonse. Aye kechi wakonsha kufumako kwi akyo ne. Abyo ibyo.

<sup>130</sup> Pano monai, paka kimye kachechetu. Amiwa nsakweseka kwendeshako, pano kuyatu ponka pene pano, mambo amiwa kimye kibena kupwa.

Monai, nanchi aye waambile mba, “Bushe kechi kujipo umo washalapo nenyi?”

<sup>131</sup> Aye waambile mba, “Ee, bino Namushikwa. Aye kimye kyonse waaula byatama pe amiwa. Aye ubena kwamba bintu byatama pe amiwa.”

“Kijitu bulongo,” waambile mba, “yanga ukamulete.”

Aye waambile mba, “Jizhina janji ke Mikaya.”

<sup>132</sup> Bino awe muntu wajinga na bupopweshi bwavula bwa kuyuka mba abo balunda kechi bajinga bulongo ne.

<sup>133</sup> Kabiji muntu yense ao wakwatakanapo, pacheche, na Mupashi wakwa Lesa, wayuka mba abye bintu, byatelwa mba Bwinakilishitu leelo, kechi luji bulongo ne. “Anweba kuuba mwatemwa ntanda ne, nangwa bintu bya muntanda ne. Inge mwauba kyokyo, butemwe bwa Lesa kechi buji mwi anweba ne.” Aye Baibolo byobyoyo aamba.

Pano talai. Aye waambile mba, “Yanga ukamulete aye.” Kabiji abo baile.

<sup>134</sup> Kabiji pano aye watumine muluwe mucheche, nkwasho wa kipwilo, kampepo, nangwa muntu umo, baile popa peulu ne kwamba mba, “Pano talai, Mikaya, atweba tubena kukutwala kokwa kumeso akwa Ahaba ne Yeoshafwata. Bino, bonse baikala popa, kabiji ke bantu bakatampe pano. Ke bafunjishi kabiji ke bafunda. Kabiji baji na madigili abo, ne bikwabotu. Kabiji yense sukuulu wetu, yense wa bipwilo byetu kuno, ke kyalumbuluka bulongo kyaluvwang’ano amba akye kyo kyaswa muchima wa Nkambo. Pano, anweba mwamba bintu byonka byo baamba abo, kebiji, Amiwa nemubla mba, anweba mukavwala bulongo ne kwendesha motoka Wawama bingi. Amiwa nemubuula mba, anweba mukekala muntu mukatampe inge mwakonsha kuuba kyokyo. Ee, mwane. Anweba mukashukwa.”

<sup>135</sup> Mikaya waambile mba, “Monka mwaikela Nkambo Lesa na bumi, Amiwa nsakwambatu kyaamba Lesa.” Amena. Ee. Oo, kuji muntu umo panyuma ya muchima wami. “Amiwa nakonsha kuja shinkwa ne meema,” akya kyo aubile, “mambo a kwikyuba.” Aye wakonsha kupumiwa kujibuta jimo ne kujibuta jikwabo, byonsetu byavula, bino aye wibabujile bya Bukiine ne kwimana ponka. Lesa wikishinikishe kwikala kya Bukiine. Aye kechi wajinga wayukanyikwa ne, bino aye wayukile Lesa.

<sup>136</sup> Baletele Mikaya wakala wachepa mubiji. Aye waambile mba, “Kijitu bulongo, Mikaya, pano ngaanweba musakwamba ka pa kikyey?”

<sup>137</sup> Aye waambile mba, “Yaingatu kulutwe. Yainga kulutwe.” Waambile mba, “Yainga, mumutende. Yainga kulutwe, mububile, akyo ikyo Amiwa kyo mbena kukeba anweba mube. Bino Amiwa namwene Isalela nobe mikoko, kwakubula kafunga, pa mutumba, wapalang’enamo. Abyo byokiji,” aye byo aambile.

<sup>138</sup> Kabiji kimye aye kyo aubile byobya; kabiji Ahaba waalulukile kwi Yeoshafwata, ne kwamba mba, “Pano Amiwa nakukonsha kwimubula anweba mbaka? Awa upanga kyongokyazhila...” nangwa, kika, ndekelaiko mambo, nangwa, musango yense mo kyaikela; awa mwanamulume waambile mba, “Akya... Kika akyo Amiwa kyona kwimubuula anweba? Amba awa mulunda nenu waulatu byatama—byatama pe amiwa. Kika kyona kwamba Amiwa? ‘Aye uzachishatu kipwilo kyetu, ne kuzhachisha bamwingilo betu, ne kuzhachisha jishinda jetu

ja bupopweshi.' Kika kyona kwamba Amiwa kwi anweba? Aye wakonsha kwikyamba. Amiwa namuyuka aye. Amiwa nebayukile bashanji kunyuma yanji." Amena. "Amiwa nayukile bashanji kunyuma yanji." Uu-uu, ee, mwane, muntu wakiine wa Lesa. Waambile mba, "Amiwa nayuka mba aye wakonsha kwamba kyokyo."

<sup>139</sup> Kabiji nanchi pano aye waambile mba, "Ee," waambile mba, "Namwene Isalela nobe mikoko, ya palang'enamo, kwakubula kafunga, pa katumba." Kabiji nanchi pano aye waambile mba, "Amiwa n- . . ."

<sup>140</sup> Kabiji nanchi umo wamwiabo balunda wajinga na masengo akatampe, wajinga nakuya nakumushijika, awa musapwishi, waendele ne kushijika Mikaya mucheche kuzhokoloka, ne kumupuma aye kukanwa kyakosa bingi nobe aye byoakonsha kuba, waambile mba, "Jepi jishinda Mupashi wakwa Lesa jo Ayilemo pa kufuma kwi amiwa? Inge mwayuka."

<sup>141</sup> Waambile mba, aye waambile mba, "Pembelelai poso mwaikala mu kaleya muno, kabiji ukayuka ng'anyi jishinda Jailemo." Abyo ibyo.

<sup>142</sup> Pembelelai poso Russia waikala muno, ne kutambula byaalo byonse ne bintu bikwabo nobe byobya, kabiji ne kino kyaalo, mambo akubwela kwanji munyuma, kabiji anweba mukamona kika kyawama ne kyatama. Abyo ibyo. Anweba pomukamona kana bupopweshi bwenu bwa bukyambazhi bukemulipilila, nangwa ne.

<sup>143</sup> Lekai akino kyalo kiye ne kutabaula, kechi kwiya na kuseka ne byabisela ne. Lekai kino kyaalo kiiye mu manungo abo, mu lulapilo. Abyo byo tubena kukeba atweba. Kechi kusangululwa kwa kusenda bantu bavula mu kipwilo ne. Atweba twafwainwa kushinka byonse byakulenga byakosa byabula kuswishiwa, kuleka byonse bya kupepa fwanka, byonse kwibitabaula byakulengelamo. Mwatatula musango wakine, musango-wakala, kipekenyi kya Mupashi Wazhila; apo banabalume ne banabakazhi, mute ne bufuku, balala mu bilungi byabo, na kujila. Amiwa mbena kwimubula anweba, kikekala mwakwikala kikatampe kya kino kyalo akyo kikyangye kwikalamo. Abyo bobukiine.

<sup>144</sup> Lekai Branham Tambanako kifumyepo byonse byakukosama kwakyo. Lekai kibwele jibiji kuno ku kyakusokelapo ne kwiya jibiji bulongo na Lesa. Kwikalala na bena kikalankulo, kabiji ne bikwabotu byonkabya, ne kwikalala bulongo na Lesa. Anweba kechi mukekalapo nabya bumbulwa koloka ne kabiji ne kutwajijila-nakuya ne; kikafumyanganapo abya byonse bya ntanda. Abyo ibyo. Pano, abo bo bukiine.

<sup>145</sup> Nanchi aye waambile mba, "Jepi jishinda Mupashi wakwa Lesa jo afuminemo mwi amiwa?"

146 Kabiji Mikaya waambile mba, “Namwene Lesa, kabiji ne zhita Yanji, kinje Kyanji, baikala mu Lukumo.”

147 Mwayukatu, Lesa uji na kinje Kokwa, mu kimye kimo. Aye—Aye uleta Banji—Banji Bamalaika Bilengwa kabiji ne kwikala na—na kinje, pa kimye kimo, kuya Mwiulu.

148 Kabiji aye waambile mba, “Namumwene Aye kasa aikala pa Jitanda, kabiji ne bantu bonse baimene ku kilujo ne kukipiko kya kuboko Kwanji.” Kabiji waambile mba, “Abo besambilenga, ‘Ing’anyi ye tusakutuma aye mushi na kujimbaika Ahaba, pakuuba mba afumemo kabiji ne kufikizha bungauzhi bwa kwa Elaija? Lesa ye waamba byobyoyo, kika kikamweka, nanchi tusa kumona ng’anyi wakonsha kuya panshi.’

149 “Kabiji mupashi wabubela waishile kufuma panshi,” nangwa byonkabyo, kufuma mu ngehena, “waishile kwi Lesa ne kwamba mba, ‘Amiwa nsakuya panshi, ne kutwela mu booba basapwishi ne kwibalengela kwaula byabubela.’” Oo, akya kibalengejile abo kufumapo. Kibalengejile abo kuvwa byakisangajimbwe, kimye, “Abo baambile mba, ‘Amiwa nsakuya na kulengela babo basapwishi, bonse ba mwiabo, kwaula byabubela.’” Kabiji waikijile panshi ne kutwela mubooba basapwishi, kabiji batatwile kwaula byabubela.

150 Kabiji, mulongo, yeka Lesa umo ye utangijila Jitanda leelo. Kabiji ne mupashi umo byoauka kintu kimo ne leelo, kwaulanga byabubela.

151 Abo batwajjikile na kwamba mba, “Mutende, mutende, mutende,” panyuma ya Nkondo Itanshi ya Ntanda yonse.

152 Lekai amiwa ne mumweshe kwepi ko kyafuma. Mu Nkondo Itanshi ya Ntanda yonse, kimye France, akwa konka, kyaalulukile kufuma kwi Lesa, monka Mukusangalala kwabo kwa Mumanainte, kabiji ne kutatula . . .

153 Pano Amiwa nsakutolapo bichechi papo mwaila byubilo, nanchi anweba bonse ikalatu nzo kakimye kacheche.

154 Talai, panyuma papo, mu kyakutatwilapotu, amwa mu France, amwa imo mwajinga kukosa kwamichima ne byatama pantanshi mo byatatwijile. Inge mwajinga kintu kyatama kyabumbazhi mu ntanda, ke mu Paris, France. Kabiji Amiwa pepi naenda bingi monka, kabiji ke mpuzha yakila mukutama ayo Amiwa yonamonapo. Kabiji London, England kechi yoine yakushapo ne. Kabiji ne United States ibena kwiya mu mulaini nakyo. Abyo ibyo. Abyo byokiji.

155 Kimye kyonse kyo mwakonsha konauna byubilo byavwajilo ya mwanamukazhi, anweba mubena konauna musana wa kyalo.

156 Apo anweba mwakonsha kuya kwalepa, amwa mu byalo byabo, ne kwamba mba anweba mwi ba mishonali, abo kechi bakeba byobyoyo ne . . . Baamba mba, “Kika anweba kyomusa kwitubula atweba byakuba, byakwimba nyimbo ya ndonchi pa

mambo a bakazhi betu, nangwa pa mambo aba nsongwakazhi betu? Anweba musakwitubula atweba bya kukana bakazhi betu? Tufunjishai atweba byakutoma malwa ne kuya mu jishinda atweba motubila?” Abo atweba byobyo tuji.

<sup>157</sup> Atweba twitela atweba bene mba kyaalo kya bupopweshi, kyaalo kya Bwinakilishitu. Kyawama, abo “batunshi” mu Africa bakonsha kwitufunjisha byubilo byawama, ne byo bafwainwa kwikala. Kifulo kyaumisha, mu United States, nangwa, ntanda, pepitu, ke kino kyaalo, byonka byo kiji. Amiwa ne mwina America, kyakiine. Bino, mulongo, Amiwa kechi nakonsha kukwasha ne, kufuma kwi Ahaba nangwa Yeoshafwata... Kabiji Nafwainwa kwamba byaamba Lesa amba Kyabukiine. Akyo kyo kikebewa kipwilo kwimenapo, leelo. Inge kyafika pakachi ka kyaalo ne Lesa, ke Lesa, kimye kyonse. Ee, mwane.

<sup>158</sup> Monai, mu France, abo batatwile byonse bya bujimbijimbi, ne kuya mwaila mashinda abo moba baikajilenga monka. Kabiji nanchi Lesa watumine Germany kwi abo, mukwibapuma abo pachechetu. Nanchi atweba twaile kokwa na kwibapulusha abo bafyamine. Kabiji byonka byotwaubile byobya, kabiji ne kupwisha nkondo, ne kubwezha jibiji bena German, wajinga na mutende ne France, bushe abo babwelele kwi Lesa nyi? Ine, mwane. Banabakazhi, waini, byabyubilo byatama, bubi ne byabipa ku mivumbo yabo.

<sup>159</sup> Pano baubile byepi? Kika kyamwekele? Apo ipo po atatwile. Aye diabola wabikile maofweshi anji kata kokwa. Apo ipo aye poatatwijile, ponkapa, na konauna ntanda, kufuma ku Paris, France.

<sup>160</sup> Nanchi, inge mwamona, aye kechi wakonsha kwi yamo na mwingilo ne, nanchi kintu kyo aubile kyajinga mu Hollywood kuno. Aye wabikile Holl-... Aye wabikile maofweshi anji kata kuno mu Hollywood. Diabola wabwelele jikwabo kuno, myaka icheche yapitapo, fifitiini nangwa tweti yapitapo, na mazhita anji akatampe, kabiji waile, wafikijile mu Hollywood, California. Kabiji aye walukuka United States na bulume bwanji bwaba demoni. Ibyo. Yense musango wetu wakala ufuma ku Paris. Abo basenda mu Hollywood, ne ku ma sikilini. Abe bansongwakazhi bacheche ne ba nsongwalume bacheche, ne bintu bikwabotu, bifuma konka kuno, abo batala bikayiwa pa sikilini.

<sup>161</sup> Baana babacheche bawama, balunda babacheche bawama, kafwako nangwa kimo kiyatama pe abo ne. Lesa apeshe michima yabo icheche. Muchima wami wibakabijilenga.

<sup>162</sup> Kabiji monka muno mu muzhi, Naambilenga ku... umu waba... nsongwalume wami, juba jikwabo. Aye waabile mba, “Taata, inge kwajingatu bansongwalume bamo bazhokoloka kokwa, baji mu tauni, abo bajinga na Mupashi Wazhila,” kabiji ne bikwabotu. Mwakonsha kukumya kika Amiwa najinga kuya

ku Denver, Colorado, nangwa kuntu kukwabo nobe byobya? Ikalai na baana bami kuntu kumo kuji jibumba ja bantu bajila kwi Lesa; kyotubena kukeba, mulongo.

<sup>163</sup> Kino kyaalo, kino kyaalo, uno muzhi, ino mpuzha, yaikala bingi na byubilo byatama poso yaubiwa lusa. Inge Nakonsha kwambatu pa kyonka kino kimye kyo Nayuka kwikala kya bukine mumwe, kechi kyakonsha ne kupanwa ku jibumba javwangakana ne. Nangwa, monka muno mumuzhi mwetu kuno; kechitu konka kuno ne, bino mapuzha akwabo, konse konsetu, ke kutatula kwiya mokyapelela . . .

<sup>164</sup> Mambo aka? Abo bantu . . . Talai, balunda, bajinga bingi nabujimuku. Kibena kwiya kyapela bingi, poso kyafika ne muntu kumukokeshwa byobya. Aye diabola waikalanga mu yewa musango wa mafashoni. Aye kechi wafumine mu mafashoni ne, bino aye kechi wafumine mu mwingilo ne, Amiwa nsakwimubuula kyokyo. Aye ukijitu mu mwingilo.

<sup>165</sup> Talai, leelo. Atweba tusenda, nobe Amiwa naambile pa kakimye kacheche kapitapo, pa nsongwakazhi mucheche, awa nsongwakazhi wakala mucheche na kajiluba kawama. Kya kumwenako, aja jiluba, jawama bingi; kojiji ja kutalako, akyo kyabukiine. Kabiji akyo byobyo kiji nobe akye kipwilo, kokiji kyakutalapo ponka. Nobe mwanamukazhi mucheche walamba bingi, aye koaji ye batalapo pe aye. Abyo ibyo. Bino inge aye . . . Aye uji bulongo, akyo, aye ke ku mulume wanji, aye—aye ujitu bulongo. Bino inge aye kechi uji na byubilo byapoko byalamachila bya kumulamawizha aye ne, aye wikala nobe wankongole munyaunda ne ku muntu yensetu; wajinga walubankana ne kubulwa musingi ne kulubankana poso ne bakabwa bakonsheshe ne kubula kumuta aye. Abyo ibyo.

<sup>166</sup> Kabiji kyo kintu kimo ku Kipwilo kya Lesa mumi. Abo basenda konka kuno ne kweseka byakisangajimbwe ne kuvwangakanya byonse, ne kuba byonkabya . . . Abo bafumyapo banabakazhi babo kuno, kijitu bulongo . . . ne bantu kechi batuluka mba abyebibena kutwelelelwa diabola mu manzubu abo ne.

<sup>167</sup> Monka mu wa kinkalankulo wami juba jikwabo, awa nsongwakazhi mwanyike, ao Amiwa yendanguluka mba mwanamukazhi wawama bingi, kabiji ke mwanamukazhi wasongolwa, uji na mwaana, kabiji ne mwanamukazhi mucheche walupukile, mwanamulume uya monka mumukwakwa na kwingilapo mwingilo umo, kabiji aye nsongwakazhi mucheche waile nabo pacheche na bivwalo byawama, byajinga byawama bingi.

<sup>168</sup> Ajino ke Juba ja Bamaama jiji nabyambo byakutanga, bino, mulongo wami, lekai amiwa ne mubulepo kintu kimo: Bamaama, bwelai na kwikala bamaama jibiji!

169 Nekuyewa nsongwalume mucheche wapempwilenga mukinkalankulo mwetu, waishile ne kwitubula atweba pa kyokyo, “Talai kokwa.”

Naambile mba, “Kyawama, akyo kechi kyokintu ne.”

170 Mwanamukazhi ke mwanamukazhi wawama. Amiwa kechi naamba mba aye uji na byubilo byatama ne. Bino, kiine kintu ke, akwa kujitu kyatama, kuji mupashi watama pe aye, ubena kumulengela aye kuba byobya, kabiji aye kechi wikipyuka ne.

171 Kika kyakonsha kuba maama wamu ntanda, nangwa muntu mukwabo, kubika pa yewa mucheche mu bivwalo byandochi, kabiji ne kwipesapesa kumeso a mwanamulume? Walamba, nyenga. Walamba, maama. Namusachila Lesa namambo a anweba. Bino, obewa walamba, bino inge kechi uji na Mupashi Wazhila wakulamawizha byobyo byubilo ne, obewa inge watamine bingi inge kyawama mambo kafwako wakonsha kukutala obewa ne, kabiji ne kuya Mwiulu. Abyo ibyo. Akyo kyakine. Talai kyo mubena kuuba; abyo byubilo byawama.

172 Pano, kyo kika, diabola waiya kabiji wabula ne bantu bibye bintu. Aye uji mu basapwishi; aye ubena kulondela musango wa Hollywood. Abo bansongwakazhi ne banabakazhi banyike, abo baji namusango wa Hollywood. Bintu byawama byo baji nabyo mu kyaalo leelo, musango wabaya wa byubilo-byakepa byo wakonsha kuteleka, ke kwamba pa; byonse byakwamba pa mawaileshi.

173 Mwanamukazhi umo mukote nobe ba Miss Kay Starr, kafwako nangwa kimo kyatama pe aye ne; pakuuba pakumona mwanamukazhi mukote, wa myaka fifite, kabiji ne bintu byonse, ne na bivwalo byaji byonsetu byashijikiwa kufuma pe aye, nobe aye wajinga wichijilenga mu jisaka jabunga. Amiwa kechi mbena kwambila kyokyo namambo akusekesha ne, mambo Amiwa mbena kwamba kwimena abya bintu. Pakuuba mwanamukazhi wauba byobya, kabiji waimana ne kwikala kya kumwenako ku banabakazhi banyike bena America, ke lukatazho lwa kyaalo kyetu. Ke diabola.

174 Bantu baji nobe Arthur Godfrey kabiji ne abo babena kunyema na kuzhokoloka kukwe, na kuuba bintu byoboba, kabiji banabalume bavula bawama mukyalo nobe byobya, kabiji, kika, ke kyabumvu bingi.

175 Aleluya! Mwaamba mba mambo Amiwa naumvwa Mupashi Wazhila uji muno. Akwe kulukukwa kokuji, kubena kupyangatu kufuma munzubo kuya ku munzubo, kufuma ku mpuzha kuya ku mpuzha, kufuma ku kipwilo kuya kukipwilo, kufuma ku muntu kuya ku muntu.

176 Baana, mu Jizhina ja Yesu Kilishitu, imanai na byubilo byawama imanai na bya kusangululwa ne Nkambo Yesu Kilishitu, ne kwaamba mba, “Amiwa kasenda jishinda ja

bacheche ba kwa Nkambo basulwa.” Ee, mwane. “Amiwa kekala maama wakine.” “Amiwa kekala taata wakine.”

Inge ntanda yonse, kabiji ne kuzhokoloka,  
konse konse mweo wami wapana jishinda,  
Nanchi Aye ye luketekelo lwami ne kwikala.

Mambo pe Kilishitu, Jiibwe ja nkosa, po  
Naimana;  
Ponse pakwabo pabipa,  
Ponse pakwabo. . .

<sup>177</sup> Kika kyalengejile byonse bye bintu? Kika kyalengejile bamwingilo kuuba byobya byubilo? Kika kyalengejile basapwishi kwaula bubwe bubela ku bantu?

<sup>178</sup> Kika kyo ekyubijile, myaka yapita kunyuma, amba anweba bantu baki Methodist. . . Kimye mukulumpe John Smith byo aangachilwe ku pupeti wanji, na kusapwila Mamboawama, kabiji wasapwijile mbila yaipipa iji mu maawala foolo. Kabiji aye waambile mba, “Lukatazho lujipo ke luno, amba muchima wami ubena kwabana.” Aye waambile mba, “Baana babakazhi ba Methodist babena kumvwala malingi mu minwe yabo.”

<sup>179</sup> Kabiji, leelo, bamvwala tuputula ne tucheche tubivwalo twa ndochi. Kabiji abo bakekala mulekese, mu myaka ikwabo faivi, inge kintu kimo kechi kyaubiwe ne. Kika kyamweka kwi anweba basapwishi ba Methodist, anweba ba Campbellites, anweba ba Baptist? Ee, mwane. Ke diabola, waleta bukambo bwaji na bulume, kabiji aye mambwata anji onsetu pangye kuno.

<sup>180</sup> Kabiji kechi mulangulukapo pakyokyo ne, anweba mubena kupepa fwanka, anweba banabakazhi, kabiji ne kuuba byubilo byo mubena kuuba kokwa, kabiji kutoma ne kusenda byonsebya mujishinda jo babena kubilamo, anweba kechi mwayuka mba anweba mubena kuleta bulemo mwaila ng’ingijilo yene, kabiji ne kulubankanya byonsetu bisemi abyo bibena kwimulondela, inge kuji bintu byayewa musango. Eite-faive pasenti pepi lubaji lwa kusendako kansa, na mambo akupepa fwanka, kabiji anweba pepi nobe mubyakubilamotu mwatwelamo. Kabiji ne bipwilo bikikajika.

<sup>181</sup> Mu kipwilo kya Baptist kikatampe, ponkapo, katatakatu. . . Amiwa mbeni kwiya ku Baptist. Amiwa ni naluusa ku kyokyo; abo baji namusango wa kulubaji ako Amiwa kofuma. Bino kimye abo kyabajinga na kukokoloka kucheche pakachi kapwijilo wa sukuulu wa Pamulungu ne pwijilo ya busapwishi, nanchi pakubamba kafunga ne bonsetu bakonsha kulupuka ne kupepa, kabiji mukwakwa wajinga na banabalume ne banabakazhi baji mumulaini na kupepa fwanka tusanga. Aye diabola wauba kyokyo. Abo ibyo.

<sup>182</sup> Nanchi, muno mu muzhi wetu, umo waimana bingi wamwingilo, monka muno mu New Albany, pa kino kibanza yakukailamo, abo bamo betu bamwingilo baimana mu muzhi

bobabena kuya mu mutanchi wa kuzha-nakwivinga, mu kuleta banabalume ne banabakazhi ku pulatifomu.

<sup>183</sup> Kechi muteko muchima ku byaamba ntanda ne, Amiwa kechi nasakamana ne nangwa mwikyeseke kwikizhokolosha byepi; mulongo, kechi kujipo muntu uchila mashi-achila na kufika pa mukazhi wa muntu mukwabo ne, kabiji waumvwatu kintu kimo. Mwayuka mba abo bo bukine.

<sup>184</sup> Abo batola banabakazhi betu, kabiji ne kwibasenda bonse; ne kwibatwala monka mu ma ofweshi, kabiji ne kwendesha tumamyotoka tusenda bantu, kabiji ne kuya ne panshi mumukwakwa. Kwepi, abo bafwainwa kwikala ku nzubo, kunyuma ya kitofu, nakuteka, ne kunengezha kajo ka mulajilo.

<sup>185</sup> Kyo kika? Ke diabola. Akwa kulukukwa pokuji. Amiwa kechi mbena kwambapo kintu nangwa kimo pa *iwe* muntu bunke nangwa pa *yewa* muntu bunke ne. Amiwa mbena kwamba mba aya ke mipashi yatama ibena kulukuka bantu, ibena kwibendesha abo kwibatwala mu kyokyo. Kulukukwa kwa United States.

<sup>186</sup> Akwa kuyula kwa kipwilo. Akya kipwilo kyayula na diabola. Kunyuma kokwa . . .

<sup>187</sup> Pano basenda nsongwalume, inge waya ku sukuulu, kintu kitanshi kyo afwainwa kufunda ke kutambula madigili anji. Aye wafwainwa kusenda byamaana. Aye wafwainwa kusenda masukuulu a mambo awama. Aye wafwainwa kufunjisha, ne kusenda misango yonse ya lufunjisho pe aye. Inge aye kechi uji nakufunda kwa kiine ne, inge aye kechi wafikilamo ne kulumbuluka byoakonsha kwikala aye ne, nanchi abo bakonsha kumufumyapo aye; aye kuba waafikilamo ne. Kika kyoakoba aye? Ke kuya kuno ne kuleta byamapolitikisi byakwamba pacheche, byonka byokyajinga, kipwilo kya mapolitikisi, ku jibumba ja bantu, jibumba ja banabalume babena kufwa ne banabakazhi.

<sup>188</sup> Anweba Lesa, tuntuminai musango-wakala, bantu bayukanyikwa bingi bulongo abo babula kuyuka A kufuma B, abo bayuka bulume bwa lusanguko bwa Nkambo Yesu Kilishitu, ao ukasapwila lulapilo, kabiji ne kutuma banabalume ne banabakazhi ku kyakusokelapo, mu butemwe kwi Nkambo Yesu. [Kafwapo bijipo pa tepu ne—Waku.]

<sup>189</sup> Ke kya bunkongoletu. Aye walukuka byonse bya kupwila pamo. Aye walukuka bipwilo. Aye walubankanya banabakazhi betu. Aye uji na banabalume betu mukifulo kya kuuba mba kechi wakonsha kwibabulapo kintu nangwa kimo ne. Kabiji banabalume ne banabakazhi, Amiwa nalanguluka . . .

<sup>190</sup> Mwaamba mba, “Kyawama, banabakazhi.” Ee, kabiji anweba banabalume bakonsha kuleka bakazhi benu kuuba

kyokyo, akyo kimweshwa musango ye walengelwamo. Abyo kine ibyo. Kyakine. Ke kyabumvu. Ke lusa.

<sup>191</sup> Kabiji pano kuya ku musapwishi. Musapwishi waimana ku pulatifomu, leelo, wa ku pupeti wakatataka. Aye wimana byobya, na bantu banji kunyuma yanji, kabiji ne kusapwila bintu bichechetu byakala bya mu ntanda kwakubula kusapwila lulapilo ne bubi, kabiji ne kumupopa Kilishitu pa musalabu. Ee.

<sup>192</sup> Uvwe anweba mwakonsha kuleta bishinka papo; bantu basakwiya ne kuteleka kwi obewa, mupwijilo ya busapwishi. Anweba mubena kweseka kuleta kintu ne kusapwila Mambo awama, ne kuleta bantu kululapilo ne kwikala baoloka. Abo basakuya ne kulupukamo, abo kechi bakonsha kwikiteleka ne Akyo. Ine, kechi byo booba ne. Bino, batemwe, abo basa kulapila nangwa konaika.

<sup>193</sup> Bandemona! Anweba mwakonsha kuya kusukuulu; ke masukuulu alukukwa. Talai kuzhokoloka, mwaya kyalo leelo. Talai kuno, anweba bantu, anweba ma Polotesitati. Talai, kuji masukuulu foolo akatampe a ba Katolika ne bintutu bikwabo, mwashimika leelo. Kyo kika kyo? Anweba mubena kulekako bitende mizhilo yaitabilwa.

<sup>194</sup> Kafwako nangwa kimo kyatama mu Bukatolika ne, nangwatu kechi Naketekela mu kyokyo ne. Amiwa jitu pamo ne waki Polotesitati. Abyo kine ibyo. Kyakonsha kushinikisha mba kechi bakonsha ne. . . Kechi mwakonsha kwipachika nabo ne. Baamba mba, “Atweba kechi twatako muchima ku byaamba Baibolo ne. Atweba twayuka byaamba kipwilo.”

<sup>195</sup> Lesa uji mu Kyambo Kyanji. Apo ipo Lesa po aji.

<sup>196</sup> Pakuuba ba Katolika bamo, bakwachijila ku kipwilo kyabo, bakonsha kukulenge bumvu obewa mwine, nobe Polotesitati. Inge mwakonsha kulamachila ku Baibolo, nobe byo byobalamachila ku kipwilo kyabo. Ibyo. Bino, baya mungi. Nakonsha kwamba kyokyo na luusa lwa Lesa Wabulume bonse, amba, baya mungi. Kyakine.

<sup>197</sup> Kabiji anweba ba Polotesitati mujitu pamo kutama, mujishinda jo mubena kwikyubilamo, mambo anweba mwayuka bingi bulongo, kabiji ne anweba mwikyuba. Akyo kyo kilenga bukafuntufuntu mwi anweba. Kyakiine, ke kulukukwa; bipwilo kwibibwezha panshi. Kabiji pano kyalinga mba. . .

<sup>198</sup> Akyo kipwilo, na kweseka kulenga kipwilo kyawama, bashimika kipwilo kikantampe, babika byela bikantampe, bikantampe bimapaipi byabyela, kabiji ne kusenda bintu byonse kweseka kupashang’anya na kipwilo kya Katolika. Anweba kechi mukeba kupashang’anya na kipwilo kya Katolika ne, inge kyafika pa lonaiko. Mambo, abyo BYO BYAAMBA AYE NKAMBO, aye watongolwa kuya ku lonaiko. Kabiji anweba mubena kupashang’ana ne aye, ne anweba mubena kuya nanji.

199 Bino kyo tubena kukeba leelo, kechi ke kipwilo kikatampe ne, ke mwekelo iji na mwekelo-yakala ya byakusokelapo apo bubi po busokwa, mu milombelo ya kwizhijika kufuma ku banabalume ne banabakazhi batemwa Nkambo Yesu Kilishitu. Mwayuka kyokyo. Abyo byobyoby tubena kukeba atweba. Ng'umvwai amiwa, balunda. Ng'umvwai amiwa. Ke butemwe.

200 Kimye kyami kyaya. Nafwainwa kutemwa kwikala pa kyokyo, apo, posa, Amiwa kwikitolela ponka, kakimye kachechetu palutwe pa, kulukukwa, akwa ko kyaya. Ke kyalukukwa. Kyalukuka byalo byetu. Kyalukuka United States.

201 Pano vulukai, Amiwa kechi navotelepo mu bumi bwami ne, mwamona, akyo kechi kijipo na kintu kimo kya kwambapo ne, alo ke luusa lwakusemwa kwami bwa mu America inge Amiwa nakonsha kwikyuba. Bino Amiwa nalanguluka mba bavula balunda nami, ne kwibabika momwa. Talai, Amiwa namona kasa abo babena kuya nobe banabalume bawama, kasa balupuka nobe babubela, kabiji Amiwa kechi mbena kukeba kyokyo ne.

202 Amiwa njina kintu kimo. Amiwa nji pano na kushimikapo pulatifomu wa Muntu umo Awo Wafikilamo, kabiji awa ye Yesu Kilishitu, kabiji Iye bunke. Amiwa napana kimye kyami kwi Aye. Abyo ibyo. Kabiji inge Amiwa nakonsha kutana kipwilo kyakosa, ntanda yonse ikilamawizha. Abyo ibyo.

203 Bino lekai ne mubuule anweba, kimye Mr. Roosevelt (Muntu wafwa, mulekai akokoloke, Amiwa naketekela byo aji.), iyai monka, ne kunyemesha bintu bisatu nangwa foolo, kabiji ne kutambula luusa, ke kya kutatwilapotu kya bukajikishi, Nakonsha kushinikisha kwi anweba kyokyo mu Kinembelo, apo ipo Amiwa po naambile mba kikobiwa. Abyo ibyo. Atweba kechi tujipo na Mabuku amizhilo ne, aye wachibaulwa mu bipivwa, ne byonsetu byapalang'enamo. Mu Mukyalo kyaambiwa byatama bingi, kiji sikisi pa wanu, kabiji kichika kya dazeni kya bakwabo.

204 Mambo, bufumu bonse bukonaunwa, pakuuba Bufumu bwa Yesu Kilishitu bufuke ne kwikala mu bumfumu myaka ne myaka. Abyo ibyo. Pe. . . Danyela wamwene Jibwe jachibilwe kufuma mu mitumba, kabiji ne kuvingaula politikisi ya ntanda kunyuma kokwa ne ku fumpaula nobe paunda nobe byobyoby, nobe wichi pa kipujilo mu kimye kya mute. Bino aja Jibwe jakomene ke jikatampe mu mutumba aja jakumbene konsetu ku- . . . kyayujile meulu onse ne ntanda. Abyo byo kiji.

205 Aya ntanda ya mapolitikisi yaya. Kyaalo kyetu kyaabenamo. Mwavuluka kyokyo, amba Mulongo Branham waambile kyokyo, **ABYO BYO BYAAMBA AYE NKAMBO**. Kyalo kyetu kyaonaika. Kechi kika sangukapo ne. Aye waya kala, nobe byonse byashala byalo. Ke kyalo kikatampe mu ntanda, kyaimana leelo, pakuuba ke lukunwa yense wakwa diabola wabyalwa mu michima ya

bantu; byo kyaishile mu Hollywood, byo kyatatwiletu mu bantu, kabiji kyatatwile ku *kikye*. Kabiji kechi mwakonsha kwibabulapo kintu nangwa kimo ne.

<sup>206</sup> Tolai Ndamakyalo peulu popa ao usa kweseka kushinka maalwa, pano ne kubika kukankanya, mwamona kika kyakonsha kumweka. Aye wakonsh kulozwa, pepi maawala abiji panyuma aye waya kokwa. Kiine, kechi wakonsha kwikiswa ne; ntanda yonse iji kulubaji lwanji. Ee, mwane. Obewa kechi wakonsha kwikyuba ne.

<sup>207</sup> Aye waya kala. Aye walukukwa kala, kabiji ne mupashi wa komunizimu waikala kala pe aye.

<sup>208</sup> Yanga mu masukuulu etu leelo, talai pa baana betu ba sukuulu. Balunda betu babacheche baya ku sukuulu, mwafwainwa kuyukatu bintu bibena kubiwa. Bansongwakazhi babacheche baji muno mu masukuulu, kabiji ne bintu bya musango yewa, pa myaka fotiini ne fifitiini, bainabo bebatuma kusukuulu, baonauna byubilo byawama, milanguluko, balunda bawama, byubilo byakwikasa, byakupe fwanka, bintu byonse nobe byobya; pa myaka ichechetu, bana babacheche nobe byobya. Ke kintu kyakosa kutana kisungu mukachi kabo akyo kyakosa ngamela kutwela mujiso ja nguya, kimye abo kyobaji mukuzhikila na juba ne bansongwalume, kebiji ne kutanyika monka ku kitulu kya mukola ne konsetu kukwabo.

<sup>209</sup> Kabiji Nakonsha kwikishinikisha kwi anweba, balunda nami. Amiwa kuuba ne kyamba mu pupiti ne kanatu Nayuka kyo Mbena kwambapo. Mu masukuulu konka kuno mu—mu byalo, monka muno mu byalo, na byobya bicheche byavwajilo ya bansongwakazhi, kechi bayuka ne. . . kubula bainabo amba abo babena kuya ku ma puzha apusanako, ne kusambakana bansongwalume ne kwikala na buule amwa mumikwakwa ya Louisville (Kyo kika kya?), ne kwimba mabumba abang'imbi.

<sup>210</sup> Mambo, baji na Mamboawama akala a kisangajimbwe, apo basapwishi po baimana ne kwamba pa bintu bicheche, kabiji ne jishimikila jicheche ja Baibolo, nangwa kintu kimo kiji byobya, mukifulo kya kusapwila lulapilo ne kuleta banabalume ne banabakazhi ku kyakusokelapo.

<sup>211</sup> Aye bashaji baendele monka bufuku ne mute konka ku fwanka, kusenda galasi wa jalwa, ne kwikala ne kutoma. Bamaama balupuka, kupichila mu kimye kya mute, na jibumba ja banabakazhi na kitupa kichechetu, byakisangajimbwe byonkabya. Mwakonsha kuketekela byepi mwaana kwikala kintu kingi?

<sup>212</sup> Talai, musango yense yemwakonsha kwikelamo anweba, abyo byobyoy muji anweba.

<sup>213</sup> Mwatola nsongwakazhi mucheche, nsongwalume mucheche, wi bapanga kuno, ne kwibaleka baikala na muntu umo. Mwatola muntu, Amiwa nakonsha kusenda nsongwalume wami, lekai aye

namuntu umo aye juba jimo; lekai ami twele mukachi, Amiwa kimye kyonse nsakwimubuula ye ajinga nanji. Kyakiine. Talai, aya mpuzha, awa mupashi wamukwachile aye.

214 Mwakonsha kuya mu kipwilo, amo bantu bonse . . . waya mu bipwilo bya Mupashi Wazhila, nangwa—nangwa bipwilo bya Pentekosito, byo bekitela. Lekai muntu yense ekale . . . Oo, abo banyema ne kwimpunka miwte yabo kunyuma ne kulutwe, abya byuba kafunga; talai byonse bipwilo ne kutatula kintu kuba kintukimo. Lekai banabalume, bantu, bemane ne—ne kusenda akya kyakatazha, nangwa kintu kikwabo; talai kintu kyonse kuba kyokyo. Ikala mu kifulo amo kafunga mo aji wakine wafikilamo ne munyango; talai jibumba jonse byo jibena kuba. Mwafwainwa kwiya amwa monka mumpuzha.

215 Mwasenda muntu ao uji na byubilo byawama, kabiji mulekai aye asongole mwanamukazhi wakala mucheche awo wabulwa kukwatwapo; kechi kikobiwa kyo ne kanatu aye kechi wakwatwako ne. Akyo kyokya mwekele kwi Ahaba. Kusenda kintu kimo, nobe kupimpulwa, lekai mwanamukazhi mucheche asongolwe ku mwanamulumene wakota wabulwa kukwatwapo ne; kintu kitanshi mwayukatu, aye ubena kuuba kintu kimo aye byo aji.

216 Bushe nakonsha kuya byepi Amiwa, lukeelo luno, ne kutazha ku maboko ami mu kakanzubo kakacheche ne bintu nobye byobya, akwa bamaama bacheche batemwikwa kwiya nakutoma ku taata, ne bintu nobe byobya, kabiji nekulanguluka abo bakonsha kuba kintu ne aye, kabiji pano bonse bamaama ne bonsetu na kutoma ne kuya na kutwajijila. Ke ine mpuzha.

217 Kyo kika? Ke diabola. Ke diabola, kulukukwa. Aye watwelejilwe mu kino kyaalo, nobe bonkwe wimba. Aye wibikile ayemwine muno pa kifulo kyawama kyo bajinga nakyo, mu Hollywood. Aye waambile mba, “Amiwa nakonsha kusenda mafilimu kuno pose ne mashikopo ayiya, na Amiwa nsakwibisenda.” Kabiji waikele papo kuno.

218 Kabiji ne bantu bamukipwilo, kyalinga mba bashinke bya kumweshwa ne kuswisha baana babo kuya ne, abo bapana mali abipepala aji teni pa Mulungu mabanga ne kwibatuma abo kokwa, nanchi pakubamba nabo bekale na tubitupa twatucheche twakila, byakwibakwasha abobene kabiji ne kuzhokolokelamo. Oo, ke kyabumvu bingi. Pano bashinkula ne mashikopo kabiji ne kutamba byonse bya ndochi, byatama byakisangajimbwe bya muntanda, biji mo. Abyo ibyo.

219 Amiwa kechi jipo na kintu kimo na bakaya bisela bya mafilimu ne. Amiwa kafwako kyo nji nakyo pa byamashikopo ne. Ke bintu byabola abyo byo biji. Abyo byobyo kiji. Inge mwikilamine byubilo byawama, kyafwainwa kwikala byubilo byawama.

220 Anweba kechi mwakonsha kupotesha awa musango-wakala wamasapato apasnhi muno mu tauni, leelo, nangwa pachehetu ne. Banabakazhi kechi bakeba ne. Abo babena kukeba mana alupuka. Bonse banabakazhi babena kuba kyokyo. Abyo ibyo.

221 Inge waya ku kipwilo, kechi wakonsha kupotesha bupopweshi-bwa kimye kyakala ne, mambo, mwanamukazhi mukwabo, aye kechi wakonsha kuuba, ine, kechi ujipo na kyakuuba nakyo ne. Ine, mwane. “Kechi kikebewa amiwa kuya kokwa ne. Amiwa naketekelatu, abyo byo byonka byokiiji.” Oo, mulongo, diabola waketekela, ne aye. Ibyo. Usa kulapila nangwa konaika.

222 Pano, ndekelaiko mambo; ine, Amiwa kechi byonji ne. Ine, Amiwa kechi byonji ne. Ine, Amiwa mbwela jibiji. Amiwa natemwa bantu. Bino Amiwa—Amiwa—Amiwa—Amiwa natemwa anweba pamo kyawama kwimumona anweba kutolamolubanzi nobe byobya. Lesa inge waswa, Amiwa nkatola kikye palutwe kacheche mu mulungu.

223 Pano, kwi anweba bamaama muji bamaama, kyambo kimo kwi anweba kasa kyangye kuya ne. Lesa emupeshe. Anweba mwaleta baana benu kuno.

224 Tusa kusenda kukwe kulukukwa; twafwainwa kuya mu manzubu, kabiji ne mampuzha avula, masukuulu, ne kuya mu mampuzha nao. Tusakwikitambula.

225 Bino, kulukukwa kwa United States, ke diabola wibakwata. Kechi mwakamwe na Russia ne. Russia kechi ujipo na kimo kyakuba ne. Atweba tubena kwikyuba atweba bene, bubole bwetu bene buji mukachi ketu. Abyo ibyo.

226 Mwayukatu, United States uji namambo avula akwikana kukila byalo byonse mu ntanda? Byakwikana byavula; ingilangulukaipo pakyokyo. Akyo ke kyatama? Awa musango wabumaama waonaika. Bamaama kechi bekala kuma nzubo yabo na baana babo ne, nobe byo baikalanga kala. Bafwainwa kwikala na mwingilo.

227 Kuno juba jikwabo, muntu umo musulu mu uno muzhi, ye aambilengapo kwi amiwa. Abo banabakazhi babena kwingila mu ino mikinyi ya bantu, abo banabakazhi mwanyike basongolwa baji na jibumba ja baana babacheche. Baji na baana babanyenga babena kwibalamawizha baana babo. Abo babena kwingila mubifulo bya ntanda. Waambile mba, “Kwajinga babiji baimana byobya, byo bafuminengako, ku mingilo yabo ya bantu bavula, waambile mba, ‘Kechi musakamane ne. Atweba tusa kwi kyuba, nangwa byonkabyo.’”

228 Oo, ngakyo kimye kya bupite pa kino kimye. Kine. Aye diabola wibabula mba bo bakulumpe bamingilo ba mu nzubo. Bakalenga mali abo. Abo bakobanga byobabena kukeba. Kabiji anweba mukebalamukako, inge mwakonsha.

229 Kujitu kintu kimo kyakonsha kwikifumya mwi abo, akyo ke kyakusokelapo, kumeso akwa Yesu Kilishitu, awa musango-wakala, wakutabaula-tukola twa bupopweshi abo bwa kulajika michima ne kwikala mu bipivwa, ne kwibalengela kwikala byo bafwainwa kwikala. Abyo ibyo.

230 Abo bakonsha kulanguluka mba Amiwa ne muntu wabyubilo byakala. Bino juba jo ubena kufwa, mulongo wami, nyenga, usakukayuka mba Amiwa nemubula bya Bukine. Abyo ibyo.

231 Aye koakiji, kulukukwa, kimye kyafika kuno. Pano, pano, ee, kimye kya kufukula kyafika, neapo, kimye kya kufukula kyafika, kechi kwiya ku kipwilo ne, kana kimye kya kufukula kuuba kana ubena kwingijila Kilishitu nangwa kwikala kyambazhi mu kipwilo kyobe. Kabiji abyo ibyo.

232 Kuji ba membala ba kipwilo bavula. Inge bonse banabalume-...nangwa bantu ba mu America abo baamba mba bena Kilishitu, bakekala Benakilishitu bakine, basemwa-jibiji Benakilishitu, mulongo, twakonsha kwikala na mutende byonka byo twafwainwa kwikala Mwiulu, pepitu, kufuma ku mankondo ne makatazho, ee, mwane, misongo ikafuma pantanda, ne byonsetu byashala.

233 Kechi kyakonsha kuwama kwiya kuno mumukwakwa ne kumona awa nsongwakazhi kwiya, ne mwanamulume, "Muji byepi, nyenga? Mwabuka byepi lukeelo luno, mulongo"? Endai kwiya, kafwako...Anweba kechi mujipo nangwa na kimo kya kusakamana mu ntanda ne. Bintu byonse bijitu bulongo kabiji ne mvwajilo ijitu bulongo. Kabiji awe mulongo waishile pa koono mumukwakwa; mukifulo kya kweseka kukunyema, aye wakonsha kwimana, ne kwamba mba, "Kijitu bulongo, mulongo. Kijitu bulongo, obewa wajinga...Oo, obewa kumeso ami," mwamona, kijitu bulongo...Bushe akyo kechi kyakonsha kwikala kyawama nenyi? [Kipwilo kyaamba mba, "Amena."—Waku.] Atweba tukekala nakyo, bino akyo ke mu Myaka kiumbi kimo, mulongo. Aja Juba jibena kwiya. Abyo ibyo. Nanchi pano kechi tubena...

234 Amiwa naimene mukinkalankulo kyentu, kuno juba jikwabo; kafwako nangwa kimo kyatama na bonse bena kikalankulo ne, bino Nakonsha kumona baana betu babacheche. Bakazhi bajijilenga. Kabiji dokotala umo wamuno mutauni, mwanaji wamukazhi wamucheche wanyemenenga nakuzhokoloka na mwanami wamukazhi wamucheche, kabiji betemenwe bingi umo ne mukwabo; poso byo bataine kuuba mba jizhina janji jajinga Branham, kabiji wajinga mwaana wakwa Rev. Branham. Akyo kyapwishishe byonse. Awa nsongwakazhi mucheche kechi wakonsha kutwajijila na nsongwakazhi wami mucheche ne. "Ami," Nalangulukile mba, "kyawama, kijitu bulongo."

<sup>235</sup> Bamo bamukikalakulo banyemenenga, baambile mba, “Kyawama, kijitu bulongo.” Nanchi, baile ku kafunga wabo. Kechi mumbule ne. Mwayukatu, Amiwa—Amiwa njina jishinda ja kuyukilamo bintu byavula, mwamona. Nanchi abo—abo baile ku kafunga wabo, ne kwamba mba, “Mwayukatu, kuji muntu ubena kwikala mukinkalankulo kyetu, ke wawama bingi kubaana betu banyike.” Waambile mba, “Ke Rev. Branham. Aye wibatola, wibatwajile mu kimbayambaya kyanji kyakala, ne kwibafumyamo.”

<sup>236</sup> Waambile mba, “Kyawama, uu, *Ahem!* Atweba kechi tujipo na kintu kimo na Rev. Branham ne. Aye ujitu bulongo, bino, mwamona, aye ke jibumba ja bantu bapusanako kukila byo tuji.” Ee. “Atweba, Amiwa—Amiwa nakonsha kuuba mba kechi mwakonsha kwikala. . . mwayukatu, Amiwa kechi nakonsha kwikala byo byo ne. . . Mwakonsha kwamba nabo, ne kwikala balunda, bino lekai akyo kikale ke kyapelako.”

<sup>237</sup> Oo, mulongo! Bakazhi bami baimene popa, na kujila. Naambile mba, “Mutemwe, ke mulaini wa lwabano. Nobe ami ne ba munzubu yami, tukengijilanga Nkambo.”

<sup>238</sup> Nangwa ntanda yonse yafumamo; kikulutu Yesu Kilishitu! Inge Amiwa nakonsha kwitwa amba wabisela, inge Amiwa nakonsha kunskilwa na baana bami-. . . balunda nami, ne bintu bikwabotu, Amiwa katwajijila kusalulula Yesu Kilishitu. Kukwachijila ku kuboko kwa Lesa kubula kwaluka. Uvwe balunda bapantanda bakukana obewa, kasa obewa ubena kubweleshatu kubwepi ne Aye. Mukwachijiletu Aye.

<sup>239</sup> Lesa, lekai amiwa nsapwile nobe Amiwa kechi nakisapwilapo kala ne. Lekai amiwa nsapwile ku bantu babena kufwa, nobe amiwa naikala muntu ubena kufwa, amiwa mwine. Lekai nsapwile ku bantu nobe kechi Nakonsha kwikala na busapwishi bukwabo bwa kusapwila ne. Lekai amiwa ne balengele abo kwiya kukyokusokelapo, ne na bilungi byabo kasa bibena kusulwila na mipolo; babwele ku manzobo ne kwikala Benakilishitu, kabiji ne kwikala monka mubikalankulo byabyo. Nekuleka byonsetu byamakayo ne bya kunyema lubilo, ne byakutolauka ne byakutwajijika; kabiji ne kumwesha byubilo *mujije* jishinda, kabiji ne kuputa *muyiwe*, kabiji ne kuya *bibye* mujishinda. Oo, kwikyuba kyo ne. Awa ke diabola. Aya mipashi ya bademona yaishile mu Benakilishitu.

<sup>240</sup> Vulukai, aba bamingilo kokwa, bajinga booba bangauzhi. Bajinga bangauzhi. Bajinga bantu babumpopweshi na kupana kitapisho. Abo bajingatu babupopweshi nobe bafunjishi ba jino juba, bino, mulongo, bajinga kwalepa bingi na kuyuka bukine.

<sup>241</sup> Kechi mwamona diabola byo aji mupopweshi nenyi? Diabola kechi uji mu musango-wakala ne, kintu kikatampe kiji nobe komyunizimu, bonse pamo na Bwinakilishitu. Akyo kechi byokiji ne. Akyo ke, oo, kyawama, diabola, kine, bino kechi

ke antikilishitu ne. Ba antikilishitu ke boba babupoweshi bingi, babupopweshi bingi. Ke yewa mupashi wabupopweshi wapopele Yesu. Kyaikala kimye kyonse bupopweshi bwa ntanda, bupopweshi bwa bantu, abo bapopa. Ke bupopweshi bwa bantu bwaimenejile Kilishitu wa kiine. Bwajinga bupopweshi bwa bangauzhi bwaimenejile awa Mikaya. Ke bantu bapopweshi bwa bantu bamu juba jalelo babena kwimena Mbila ya kwa Lesa.

<sup>242</sup> Vulukai, Amiwa nemujimwine anweba. Amiwa nemubujile anweba. Amiwa kechi mbena kwamba byavula pa Bukatolika, ne Baptist ne ba Methodist ne; Amiwa mbena kwamba pa bantu babuzhile, monka mu iye milaini papo. Talai leelo jino, byokyaiya kukilang'anya ne kwimana mubya bisela. Oo, ami. Nakonsha kuya monka, kimye kimo. Kabiji muchima wami ulajika mwi amiwa.

<sup>243</sup> Kwimana popa kasa apakata awa banjo wakala, kasa abena kwimba awa banjo wakala, kabiji kasa abyala byalengululwa, "Bushe awe ye Texas wawingila ku banyama *Kananga-ne-kananga?*" Amiwa kechi njipo na kintu kimo na muntu ne; bino akyo kiji muntanda kokwa. Abyo ibyo. Amiwa nakonsha kutemwa kwimana, mulongo, kechi nakintu ne, kya ine, kibyokiji ne, bino ke kwimanatu ne kwimika maboko ami ne kwamba mba, "Yesu, ngikale kwipi na musalabu." Ee, mwane.

Ke musalabu wazhila Amiwa yensakusenda,  
Poso lufu lolukangabanya amiwa,  
Nanchi ne kuya Kunzubo na kuvwala  
muchinya,  
Mambo kuji muchinya wami.

<sup>244</sup> Kwi anweba bamaama babacheche muno lukeelo luno, abo bajinga bamaama bakine, kabiji Nayuka mba anweba bavula; Nalanguluka mba, anweba bonse. Lekai ne mubuuleko kintu kimo. Lesa emupeshe. Anweba yenu Mamboawama a faivi, Nalanguluka. Lekai ne mubuule pano byokiji ku baana benu, ke kintutu kicheche. Mambo, Mulongo Neville kampe usa kusapwila pa . . . pe maama bufuku bunu, nangwa uji yense, umo wamwi atweba usapwila, abyo ibyo, pa bamaama. Bino, telekai, lekai ne mwipuzheko kintu kimo.

<sup>245</sup> Vulukai, kimye Mosesa wajinga mwanyike nsongwalume, wajinga inaji wamupele mikambizho aye. Wajinga inaji wabulesa wamusendele Mosesa muचेche pa manungo anji, ne kwaamba mba, "Mosesa," wamubujile aye byonse. Aye wajinga mufunjishi wanji, nangwa, wajinga mufunjishi wanji, byonkabyo, mushi yakwa Felo, kabiji waambile mba, "Pano, abye bintu," waambile mba, "Mosesa, juba jimo ukapokolola baana ba Isalela. Obewa wi nsongwalume baitwa. Iamai anwebene balumbuluka ne kubula jitomya jafuma muntanda, mambo anweba yenu eye. Yenu eye."

246 Kafwako nangwa mpuzha ikwabo yotwayuka ne, akwa koaile na kwikala na mbungeno yamafunjisho, kufujisha kuji konse, aye kechi wajingapo nakyo ne. Aye waiketetu bulongo mu kipango kya Felo, ao wajinga mutushi; pakuuba bainanji bamufunjishenga. Awa wajinga mwine inaji. Aye wamubujile mwaila ndoonda yakwa Nkambo. Aye wamubujile byo afwainwa kwikala wazhila. Aye wamubujile byakuba ne byo afwainwa kwikala, kabiji ne bya, kika kyafwainwa kuba Lesa, kyoankonsha kumubila aye. Kabiji kyaikele ne Mosesa moba onse a bumi bwanji.

247 Kabiji kiji kyonse kyawama, kyakiine, awa maama wamubufumu wamulaminenga awa mwaana mucheche, kyalinga mba bebatume kubitambo bya bipikichala ne byamazha, ne bintu bikwabotu, kabiji ukebabika pa mambwata anji ne kwibafunjisha pe Nkambo Yesu Kilishitu.

248 Kuno juba jikwabo, Naambilenga ku bamaama pa foni. Kabiji inanji waambile mba, “Oo, Mulongo Billy,” waambile mba, “nsongwalume wami kamulanda uji mulukatazho.” Waambile mba, “Oo, lukatazho ka lo aji nalo.”

249 Naambile mba, “Ee, Nekiyuka, nyenga, mutemwe.” Kabiji waambile mba, “Kyakonsha kwikala kingi. Amiwa kechi nayuka ne.” Waambile mba, “Umo waamba *kikye* kabiji umo waamba *kyokya*. Amiwa kechi nayuka ne. Bino,” waambile mba, “nangwatu uji bulongo nangwa uji bulongo, Namutemwa.” Abyo byokiji, “Namutemwa aye.”

250 Aye waambile ku bainanji, amba, “Amiwa naikala wajimbaikilwe bingi ku *kikye* ne *kyokya*.” Waambile, “Maama, Amiwa naketekela anweba muji naboba bonka batemwikwa Amiwa kiine boji nabo; awa mwanamukazhi yenka wakiine kwi amiwa, kabiji walamachila kwi amiwa.” Abo bo butemwe bwa inanji. Awa ke semi wakine ao ukabika maboko anji pa mwaana wanji. Nangwatu ekale waoloka nangwa ine, aye utwajijilatua kuya kulutwe. Kabiji inge Lesa... Inge bainanji bakonsha kulanguluka pa mwananji, pano ibyepi Lesa kukilapo byo alanguluka pa Bakwanji. Mwamona? Obewa ikalatu Nanji. Yaingatua bulongo.

251 Kabiji pano lekai ne mubuule bamaama bakwabo, bukiji bukiji, mu Baibolo, kasa tukyangye kushika ne. Kwajinga maama watelelwe amba Heloda. Aye wabujile mwananji wamukazhi kuzha kyakatazha. Aye wakebele amba ayukanyikwe. Kabiji wazhile ku meso a mfumu, kabiji wakebelenga mutwe wa Yoano Mubatishi. Atweba tuji nasawakya wabamwingilo banji sebeta, abo bakambwe bazha kumeso akwa (Helonda mwanaji wamukazhi), wazhile kumeso akwa Heloda; bamwingilo sebeta bakwanji, abo kana bafwile mu bupite nangwa mubyubilo byatama.

252 Umo maama wafunjishenga bintu bya mu ntanda; maama mukwabo wafunjisha bintu bya kwa Lesa. Umo waalukile ke tangi mukatampe ne kashinde, aye ke ubula kufwa mu bantu leelo; kabiji mukwabo wafwile nekuya ne mukalunga kabafu, kabiji ne kusenda masauzande a masauzande. Mwamona mo Nekitazha nyi? “Komesheshai mwaana mujishinda jo akonsha kuyamo.”

253 Kabiji Amiwa kiine ng’uvwa bulanda ne abo bakamulanda bamaama baikala na tumaluba tutoka. Akwa Kwiulu amba ko kwaya maama, leelo, akwa kwaikele maama wamusango-wakala yeaikaijilemo mwi Lesa, kyakiine aye wapitaila kipembe kya kimye. Aye ubena kukupembelela kwiya. Abyo ibyo.

254 Amiwa napana mushingi ne munema kwi anweba muji na maluba achila. Bainenu, inge mubena kukeba kubapo kintu kimo pe aye, kwikyuba moba fili aduledi sikisite-faivi mu mwaka umo. Yainga ku nzubo yanji na kulomba milombelo, kabiji ne kwikala bwikalo bwa Lesa. Akyo kyo kintu kyakuuba. Kabiji ne kuleta baana benu. Kabiji inge baana benu baiya, bakemwita anweba mba “jipesho,” panyuma anweba kupitala kipembe. Awa ye mupashi wakiine wabu maama, ke mupashi wakiine wa juba ji bamaama. Juba ja ba maama ke fili aduledi ne sikisite-faivi pa mwaka umo.

255 Ke juuba jo bapotesha maluba ne kupana bya bupe, abyo byuba ntanda. Inge kyapwa, inge ntanda yakonsha kwimana myaka ikwabo tweti, abo bakekala na juba ja baana babalume, juba ja baana babakazhi, ne, juba ja bavyala, ne juba ja mwishi, kabiji nebyonsetu bintu nobe byobya, ke kintu kyakila mukuvula musenda ntanda kwikala kyakisangajimbwe kyonse. Ako ko kibena kuya, mu kalunga kabafu, monka mo kyafwainwa kwikela, lonaiko.

Bino, anweba, Lesa emupeshe, yo milombelo yami. Twayai tulombe.

256 Taata Wetu wa Mwiulu, byo tubena kumona kunyuma, lukeelo luno, na milanguluko yetu, kunyuma kokwa, myaka ma aduledi yapitapo, kimye Yeoshafwata byo aimene popa ku lubaji lwa Mfumu Ahaba. Kabiji Mupshi mumuchima mucheche mwi abo, bino kasa afuma kwi Lesa, nangwa byonkabyo aye walengele kilubo, wamubuujiile, mba, “Akye kyatama. Akye kyatama. Kechi kyakutokesha ne. Kechi kyazhila ne. Ngauzhi waamba mba abye bintu kechi byakonsha kutwajijila kwikala bibye ne.” Kabiji Mujilo mucheche wakwa Lesa wamubushishe.

257 Kabiji Obewa wajinga na muntu umo wa kupana mukumbu ku yewa Mujilo mucheche, ao wajinga Mikaya, ngauzhi wakine wakwa Lesa. Nangwa aye wakonsha kwiya ne kuvwala kingintu, nangwa aye wakonsha kwiya kuno kasa asulwa, kabiji ne bonse kasa babena kumutajisha aye inge jibumba ja misuka jibena kumutajisha pa mbavu. Bino aye waambile bya bukiine, nangwa

aye bamushipijile pa kilungi, nangwa watailwe mu kaleya ne kuja shinkwa ne meema a bulanda. Bino, nangwa byonkabyo, byambo byo aambile byafikizhiwe, mambo Anweba mwajinga nanji.

<sup>258</sup> Lesa, swishai, leelo, kabiji tusakutala mu Baibolo. Atweba tubena kutala pa mabuku a kipwilo, abikiwa mundoonda ne bintu bikwabo, bywa bipwilo, ne byabulozhi, kabiji ne kumona byo booba *kikye, kyokya*, nangwa *kikwabo*. Bino twayai tumone kikye Kyambo kyakine papo, kabiji ne kumona byo Kyaamba: “Kwakubula buzhile, kafwako muntu ukamona aye Nkambo ne. Londelai mutende ne buzhile, akyo, kafwako muntu nangwa umo ukamona aye Nkambo ne. Aye watemwa ntanda, nangwa bintu bya muntanda, butemwe bwa Lesa kechi buji mwi aye ne.”

<sup>259</sup> “Mu moba akapelako mu bimbye byakatazha bikeya. Bantu bakekala bakwitemwa abo bene, bakwitota, bakwilundumika.” Oo, abya bintu bikatampe, Nkambo, abyo bibena kumweka. “Balupata lwa kuba bibi, ba kwilundumika, ba kutemwa bya lusangajiko ne kutemwa Lesa ne; kufujisha bantu byabuntushi bya—bya bantu kyailinga mikambizho ya kwa Lesa; kwikala na musango wa bwina lesa, bino sababena kukana bulume bwa Mupashi Wazhila” mu kulengela muntu wayulwa na Mupashi, pakuuba mba ekale na lusekelo, pakuuba mba ekale na mipolo kufuma mu meso anji, mukumulenga aye kuya ne kulombelela bakolwa, mukwibalengela amba bambe mujimi ne kulumbulula, mukwibalengela amba baule. Aye Mupashi wakwa Lesa, Lesa mumi, be Kifumyapo mu nzubo ya bwenyi nangwa kintu kimo kiji byo bya, “Kwikala namusango wabulesa, ne kunkana bulume bwaao.”

<sup>260</sup> Anweba Lesa, lekai jije jibumba jicheche, jino juba, bukai bukiji bukiji, ponkapano, mpelo kasa ikyangye kwiya, kabiji ne kwitukwata muyuwe musango. Lekai twikale, ibukai atweba bene, nobe byaamba Baibolo, “Imana ne kwiyimuna anweba bene. Kabiji ne kwimpuzha mujishinda ja kala, ajo jo jishinda jawama, kabiji umvwe mwamutana, watwelamo.” Lesa, swishai mba twakonsha kutana jishinda jakosakana, inge twakonsha kwimana pamo jibiji, nobe aduleendi, kabiji ne kukwatakana na maboko etu pamo ne kwimba.

Amiwa katola jishinda ja bacheche ba kwa  
Nkambo basulwa.

Natatula mukachi ne Yesu kabiji Amiwa  
mbena kupita.

Lesa, tukwashai kwikala kyokya kabiji ne kwikala kyokya.

<sup>261</sup> Peshai bonse bo bamaama bawama baikala muno, Nkambo; kasa twayuka amba abo ke bamaama, abobene, na maluba awama bingi bulongo, lukeelo luno, anobe kivuluko kya batemwe bakala bamaama abo baya kala kupitala kimye. O Nkambo wa Bumi, bapeshai Nkambo. Kabiji balekai nabo

bapeshiwe, pamo, ne baana babo pamo monka mukivuluko lekai kikale pamo ne bainabo, inge wapita kubunshiya bwa kipembe, ne kuya Mwiulu wa lukumo. Kiswishai kye, Nkambo.

<sup>262</sup> Kabiji lukeelo lumo kimye bumi po bukazhimanga kufuma mumishipeshipe, kabiji ne kupema kukashupa kwiya mwi atweba, akya kipembe kikashikuka jibiji; aye ukeya, kapepo, kufika ne ku mpelo ya Yodano, pakuuba mba etukwashe. Oo, mu joja juba jalusekelo kimye atweba potukanyanta momwa, akwa kukabula bya . . . Mwela kechi wayula na bwishi bwafwaka ne. Kechi kukekala kitomi pa mukwakwa ne. Kechi kukekalapo pite ne. Kechi kukekalapo bubi ne. Kechi kukekalapo kintu kya musango yeo ne. Pakuuba, mu kimye kya lukumo myaka, tukekala na mutende ne Nkambo yetu Yesu Kilishitu ne baana betu. Kabiji, oo, ke juba jawama bingi.

<sup>263</sup> Anweba Taata, kimye mfishi ikatampe byo iji, nkondo, kabiji ne diabola ubena kuyuzha byaalo, kabiji kulukukwa kwa ma pupeti, kulukukwa kwa bipwilo, kulukukwa kwa bantu, kulukukwa kwa busulu, kulukukwa kwa mizhi yamumatauni, kabiji ne masukuulu ne manzubu; Anweba Lesa, tukwashai kwimana, fumyai mpoko bukiji bukiji ne kulwa na Lesa, nobe byonka byaubile Mosesa ne—ne bena Levi pakyokya kimye bubi po bwajanga mu kambi. Tukwashai, Nkambo.

<sup>264</sup> Tulekelaiko mambo pano, kabiji mwitupeshe. Kabiji tukwashai, kwitukosesha, Nkambo. Anweba Lesa, Anweba mwaambile mba, “Awa uya, na kubyala na mimpolo, akwa kubula kuzhinauka kukabwela jibiji, lusekeelo, kulutwa kwa kubungizha.” Anweba Lesa, tulalaulai mubipivwa. Tulengai atwaba jibiji, ke mupya, Nkambo. Atweba tubena kufumisha bingi mujishinda.

<sup>265</sup> Amiwa, amiwa mwine, Nkambo, Amiwa mbena kufika pantu pamo po Mbena kulanguluka na mambo a baanga bakatanwako ku mpwijilo yami. Anweba Lesa, Nasaka mba Anweba mulangulukepo. Iyai, Nkambo! Anweba Kilishitu, iyai Nkambo! Tabaulai amiwa; ndengai amiwa papo. Anweba Nkambo, kechi muleke amiwa ngikale nabyobya bintu mumilanguluko yami ne. Lesa, bafumyai kwi amiwa.

<sup>266</sup> Nkwashai amiwa, Nkambo, kusapwila, nobe byonka byo Naambile, pa kimye kicheche kyapita, nobe muntu ubena kufwa na bantu babena kufwa, byo twayuka mba atweba bonse twafwainwa kufika ku Peenape. Twafwainwa kwimana ku meso Enu; uvwe Anweba kechi muji mwaila maana Enu ne, Uvwe Anweba kechi muji na lusa ne, uvwe Anweba kechi mwaimana kwakubula lusa; uvwe Anweba mwaimana, mwazingila, mukuleta buchibishi bwamambo pa byalo kabiji bantu bakana ne kupana butemwe bwa Mwaana Obe.

<sup>267</sup> Lesa, mpai lusa lwa leelo ne Aye, amba mu joja Juba Amiwa nkemana. Ndekai konshe kujila pano, bino Anweba mushimune,

na lusekeelo, pa kyokya kimye, kimye pomukamba Anweba amba, “Twelai mulusekelo lwa Nkambo, alo lwanengezhiwe anweba kufuma ku kitendekesho kya inontanda.” Lesa, ekale ne atweba pa kino kimye, kabiji tukwashai, twalomba, mu Jizhina ja Yesu. Amena. 🙏

54-0509 Kulukukwa Kwa United States  
Branham Tabernacle  
Jeffersonville, Indiana U.S.A.

KAONDE

©2026 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kayukilo ka kuvuzha

Luusa lonse luji kubene. Awe buuku mwakonsha ku mupulita ku kya kupulitako kya pa nzubo pakuuba mba anweba bene mwakonsha kumwingijisha nangwa kupaanwa, kyatuutu, nobe jishinda ja kunsampwilamo Mambo awama a Yesu Kilishitu. Awe buuku kechi wakupotesha ne, kulengamo avula, kutumwa palubesha, kufiwa mu makopyuta, kututululwa mu milaka ikwabo ne, nangwa kwingijisha mukumwenamo mali kwakubula kuswisha kwanembwa kufuma kuba Voice Of God Recordings®.

Pakukeba kuyukilapo bikwabo nangwatu mabuuku akwabo, mwane tumai pa:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)